

D^a ROSA-ANA PRADA QUEIPO SECRETARIA DO CONCELLO DE AMES NA PROVINCIA DA CORUÑA

CERTIFICO: QUE O PLENO DESTE CONCELLO LEVOU A CABO SESIÓN ORDINARIA O DÍA 28 DE OUTUBRO DE 2010. DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE

ACTA DA SESIÓN ORDINARIA LEVADA A CABO POLO PLENO DO CONCELLO O DÍA 28 DE OUTUBRO DE 2010.-

No Salón de Sesiós da Casa do Concello de Ames, ás vinte horas e trinta minutos (20.30) do xoves 28 de outubro de 2010, reúnese o Pleno do Concello en sesión ordinaria de primeira convocatoria, baixo a presidencia do Sr. alcalde don **Carlos Antonio Fernández Castro**, e coa asistencia das/os señoras/es concelleiras/os seguintes:

Grupo municipal socialista	Grupo municipal Popular	Grupo municipal do BNG
Patricia Conde Lois Carmen Fraga Crespo M ^a Isabel González Cancela José Manuel Miñones Conde Gustavo Nieto Santiago Úrsula Seijas Seoane José Varela Abeledo Francisco Villaverde Marcos	Santiago V. Amor Barreiro M ^a Dolores Fernández Álvarez Ramón García Argibay Emilio Martínez Carballeira Bernardo Moar Míguez Alfonso Rey López Ana Ruso Valiña	Olalla Alvite del Río José Ramón Arufe Vidal Xosé M. Fernández López Vítor Vicente Díaz Mercedes Vidal Baamonde

Asisten a señora **interventora** dona María del Carmen Castro Louzao e o señor **tesoureiro** don Santiago González Prado.

Actúa como **secretaria** a titular da Corporación dona Rosa-Ana Prada Queipo.

A) PARA DAR CONTA:

Punto primeiro.- Dar conta dos decretos ditados pola Alcaldía dende a última sesión plenaria ordinaria.

O señor alcalde informa á Corporación que os decretos ditados pola Alcaldía dende a última sesión plenaria ordinaria estiveron a disposición de todas/os as/os concelleiras/os na Secretaría Xeral, ademais dos duplicados existentes nos distintos departamentos do Concello.

Informa o señor alcalde que dende o decreto de convocatoria da anterior sesión plenaria ordinaria ditáronse un total de 126 decretos, dende o núm. 1122/2010 ao núm. 1247/2010.

Punto segundo.- Dar conta de sentenza ditada polo Xulgado do Contencioso – Administrativo núm. 1 de Santiago de Compostela, procedemento dereitos fundamentais 191/2010.

O señor alcalde da conta da recepción no concello do fallo de estimación do recurso contencioso – administrativo presentado pola procuradora XXXXX, no nome e representación da recorrente que por un erro aparece coma Confederación Intersindical Galega, contra a actuación do señor alcalde – presidente da corporación local consistente na convocatoria e celebración da sesión plenaria de data 25 de febreiro de 2010 cun orde do día no referente aos puntos quinto e sexto distinto ao suxeito a previa e preceptiva comisión informativa, considerando, como infrinxido o dereito fundamental á participación en asuntos públicos e o exercicio das funcións e cargos públicos dos recorrentes, establecido no artigo 23 da Constitución Española. Se declara a non conformidade a dereito do acto recorrido por terse vulnerado o dereito fundamental á participación en asuntos públicos e exercicio de funcións e cargos públicos dos recorrentes recollido no artigo 23 da Constitución Española

Continúa dicindo que os acordos adoptados nos puntos quinto e sexto da sesión plenaria ordinaria de 25 de febreiro de 2010 quedan declarados nulos e sen efecto e que non se fai expresa condena respecto das costas causadas no xuízo.

Toma a palabra o voceiro do grupo municipal popular don **Santiago Amor Barreiro** para aclarar que o erro que hai na sentenza onde di que a recorrente é a Confederación Intersindical Galega xa foi subsanada polo Xulgado e pon que os recorrentes son don Ramón García Argibay e el mesmo contra unha decisión do alcalde do concello.

Punto terceiro.- Dar conta da execución dos orzamentos e dos movementos de Tesouraría por operacións orzamentarias independentes e auxiliares ao orzamento correspondentes ao último semestre de 2009 e primeiro semestre de 2010.

Toma a palabra o señor alcalde don **Carlos A. Fernández Castro** para dicir que hai un informe que da conta destes extremos e que está en poder dos grupos municipais.

B) PARA DELIBERACIÓN E ACORDO:

Punto cuarto. Aprobación se procede de acta anterior.

Intervén o señor alcalde don **Carlos A. Fernández Castro** para informar que a secretaria xeral do concello somete a consideración do pleno a acta correspondente á sesión levada a cabo o 30 de setembro de 2010. Non se producen intervencións, sendo a mesma aprobada por unanimidade.

Punto quinto.- Aprobación inicial da modificación da Ordenanza fiscal xeral de xestión, recadación e inspección dos tributos e doutros ingresos de dereito público do Concello de Ames.

O señor alcalde don **Carlos A. Fernández Castro** da lectura aos puntos da orde do día dende o 5º ata o 27º e propón que sexan tratados nun mesmo debate e posteriormente, tal e como é preceptivo, se someta cada punto a votación por separado.

Concede a palabra á concelleira delegada de Economía e Facenda, e concelleira de Mocidade, dona **Patricia Conde Lois**, que substancialmente di que as modificacións son de 3 tipos:

En primeiro lugar modificacións en ordenanzas fiscais reguladoras de impostos e taxas, que van do punto 6º ao 18º. A estas ordenanzas aplícaselles unha actualización das tarifas de acordo á variación interanual do IPC galego entre os meses de xullo de 2009 a xullo de 2010, actualización do 1,9 %.

Respecto destas ordenanzas, aparte do que é a actualización do IPC tráense unha serie de melloras técnicas que son:

No imposto sobre vehículos de tracción mecánica introdúcese unha normativa a fin de facilitar e mellorar a aplicación das tarifas, normativa similar á de concellos limítrofes que reflexa o regulamento xeral de vehículos.

Tamén se incorporan melloras e cambios no imposto sobre construcións, instalacións e obras, na taxa de licenzas urbanísticas e licenzas de apertura de establecementos, destacando a introdución dunha disposición adicional que aclara o procedemento á espera de que se produzan modificacións na normativa galega consecuencia de unha directiva europea, que modifica o réxime xurídico das licenzas de obra ou urbanísticas de competencia municipal.

Na ordenanza que regula o imposto sobre o incremento do valor dos terreos de natureza urbana introdúcese criterios de eficiencia establecendo unha contía anti-económica. que consiste en que non se liquidarán cotas inferiores a seis euros que requiren notificación expresa por tratarse de contías insuficientes para a cobertura do custe.

Na ordenanza que regula a taxa por expedición de documentos tamén se introducen cambios incorporando un parágrafo no que se detallan con claridade as bonificacións para as persoas que se presenten a oposicións no Concello, beneficiando aos que estean en situación de desemprego cunha antelación mínima de seis meses anteriores á convocatoria ou que teñan unha discapacidade igual ou superior ao 33%, que terán cota cero.

Na taxa por licenzas de autotaxi poténciase o sistema de autoliquidación, incorporándose melloras en canto ao devengo.

Por último incorpóranse melloras na ordenanza fiscal xeral de xestión, recadación e inspección dos tributos e doutros ingresos de dereito público unificando criterios para o acceso ao servizo dos cidadáns de Ames e se clarifican conceptos como a “renda computable” e “unidade familiar”. Determináanse tamén nesta ordenanza cales son os membros da unidade familiar, se introduce o criterio de que cando se estableza unha bonificación en función da situación de emerxencia social, para que se emita o informe social correspondente non se poderá superar un límite económico e tamén se incorpora a desaparición de bonificacións polo concepto de familia monoparental, dado que dende os servizos técnicos había moitas dificultades de aplicación e en moitos casos non era determinante a capacidade económica.

Nun segundo grupo estarían as ordenanzas que regulan os prezos públicos (dos puntos 22º a 27º da orde do día), en tres delas se aplicou unha actualización das tarifas: prezo público pola utilización das instalacións deportivas e culturais e na de prestación do servizo de talado e roza, se lles aplica o 1,9 % e ao prezo público pola utilización da piscina cuberta aplícaselle o 2%, que é o IPC autonómico, tal e como figura nos pregos de cláusulas que rexeron o contrato. Non se modifican as tarifas do resto das ordenanzas que regulan os prezos públicos.

Propóñense tamén unha serie de melloras técnicas. Así no prezo que regula os servizos culturais e deportivos, refúndense tódolos servizos municipais que engloban os departamentos de cultura e deporte, mocidade, medio ambiente, educación, etc, para mellorar as fórmulas de xestión de cobro e harmonizar os criterios de bonificacións. No caso do prezo público polos servizos da escola municipal de música harmonízanse tamén os criterios.

En terceiro lugar propónse a aprobación de tres novas ordenanzas. A primeira delas é unha ordenanza reguladora da taxa pola prestación de servizos complementarios educativos e de conciliación da vida familiar e laboral, que trata de refundir os diversos regulamentos que existían de diferentes servizos, harmonizando os criterios e as bonificacións, non se aplica ningún incremento e se manteñen as tarifas para o ano que ven. En segundo lugar propoñemos unha ordenanza que regula a taxa por actos de utilización privativa ou aproveitamento especial do dominio público local derivados da execución de obras, que unifica dúas que foron derogadas o ano pasado, a de apertura de zanzas, calicatas, etc e a de ocupación de terreo de uso público con colectores, valados, puntais, etc. Por último preséntase a aprobación unha ordenanza que regula a taxa polo aproveitamento especial do dominio público local con ocasión da celebración de matrimonios civís, que se fai polo concepto de ocupación do dominio público dado que non é posible xuridicamente cobrar pola prestación do servizo, dado non é unha competencia propia do Concello.

En resumo trátase de actualizar os prezos co IPC nalgúns casos e a conxelación de prezos noutros casos e de introducir melloras técnicas que melloran os mecanismos de xestión, harmonizan criterios, etc. Estas incorporacións están xustificadas no propio expediente, que foi tratado en comisión informativa e tamén na Xunta de Voceiros convocada para explicar os cambios introducidos. Para rematar, destacar o traballo dos técnicos municipais, en especial do tesoureiro municipal.

O señor **alcalde** abre unha quenda de intervencións, tomando a palabra o voceiro do grupo municipal do BNG don **Xosé Manuel Fernández López** para anunciar que o seu grupo ten unha emenda “in voce”, e quere facer unha exposición en atención ao

contido das ordenanzas, clasificándolas en tres bloques: ordenanzas novas, ordenanzas que sofren melloras técnicas e ordenanzas que non sofren modificacións de contido. En canto aos dous primeiros grupos, as novas e as que sofren modificacións de contido, expón que lles parece ben, porque sempre se poden mellorar. En canto aos valores económicos, teríamos ordenanzas que non modifican o prezo, pero tamén hai outras que non modifican o seu prezo porque non veñen a Pleno, coma o IBI, que é un montante moi alto nos ingresos do Concello, tampouco modifica o seu importe a ordenanza do IAE. Hai ordenanzas que se actualizan polo contrato que hai coas empresas, pero hai outro bloque moi amplo de ordenanzas que aumentan o IPC. Á emenda “in voce” que fai o BNG vai dirixida precisamente a este último bloque de ordenanzas e propoñen que se volvan a conxelar, porque nos últimos anos o BNG fixo gala de non ter feito populismo neste Pleno, votando moitas veces co grupo de goberno para incrementalas co IPC pero este ano creemos que non as debemos incrementar. O goberno do estado tomou unha serie de medidas regresivas e antisociais, como a redución dos salarios dos traballadores públicos, a conxelación das pensións, a subida do IVE, todas medidas regresivas e antisociais. O BNG considera que a conxelación que se propón afecta a cantidades que serían facilmente asumibles polo Concello. Propoñen polo tanto a conxelación de 13 ordenanzas, anunciando que apoiarán a modificación no resto das ordenanzas e as modificacións técnicas que se propoñen.

Toma a palabra o señor **alcalde** para solicitar que o voceiro do grupo municipal do BNG achegue o listado de ordenanzas afectadas para que polo tesoureiro se verifiquen os datos.

Toma a palabra polo grupo municipal popular don **Ramón García Argibay**, para felicitar aos técnicos polo traballo realizado e continúa dicindo substancialmente que o seu grupo está en contra da subida do IPC, excepto nos casos de obrigado cumprimento porque figura nun contrato. Os motivos polos que están en contra, son que polo pleno do 29 de novembro de 2009, no que se conxelaron as taxas, dado que había un IPC negativo, habería que terlles aplicado unha baixada e non se fixo, senón que se conxelaron, e só se baixaron tres que estaban afectadas por contrato. O goberno socialista cando o IPC é negativo di que as conxela e cando é positivo se soben no IPC, o cal é unha contradición. No tema concreto do IBI, repasando os recibos dos últimos anos a subida de prezos foi xeométrica. O IBI en Ames disparouse e é o dobre que en Santiago e que en Teo. Na situación de crise na que estamos vanse subir impostos e taxas, tendo en conta que os soldos baixaron ou se conxelaron, algunhas empresas pecharon e as que seguen funcionando moitas teñen perdas, hai moitos parados aos que lles mermaron os seus ingresos, a outros rematóuselles a prestación. O noso grupo ven reclamando dende hai anos que se conteña a subida dos impostos. Hai que ter en conta que aínda que se fale de que só se sube un 1,9% ou un 2%, a subida do IVE que foi en dous puntos equivale a un 12,5%, a baixada dos salarios equivale de media a un 5% e a subida que se pretende aplicar neste Concello é un 2%, o que a groso modo supón un 19,5%, iso sen falar das subidas da luz, gas, combustibles,... Nas ordenanzas que soben o IPC, o voto vai ser en contra, a excepción das que están afectadas por contratos. Analizaremos a emenda do BNG.

O señor **alcalde** outorga a palabra á concelleira de economía e facenda dona **Patricia Conde Lois**, que di substancialmente que con respecto á intervención do grupo municipal popular considera que están facendo unha manipulación dos datos, din que se fai unha subida de impostos e realmente estamos falando dunha actualización de prezos, como se veu facendo nos últimos anos. O señor Argibay falou da subida do gas, da luz, etc, a este Concello tamén se lle incrementan eses prezos. Á emenda do BNG sobre conxelación de trece ordenanzas, en primeiro lugar ten que dicir que en casos de emerxencia social, existen fórmulas para facer fraccionamentos, aprazamentos, exencións, bonificacións. Non debe eliminarse dun plumazo unha actualización que é necesaria porque hai que cubrir os custos dos servizos. Cando o grupo do partido popular di que o ano pasado había unha diminución do IPC e non

se aplicou foi porque así o aconsellaban os informes técnicos. En canto ó IBI a suba ven derivada da aprobación no ano 2002 do PXOM, do que deriva unha revisión catastral no ano 2005, a raíz da cal os bens inmobles se ven alterados no seu valor. Tamén en referencia ao IBI e da comparación con Santiago ou Teo, resultan incomparables porque por exemplo os valores catastrais son moito máis baixos en Teo, que non tivo aínda esa revisión catastral. Continúa dicindo que non están de acordo coa conxelación que propón o BNG porque o goberno municipal ten que garantir os servizos que presta o Concello e o que se pretende coa conxelación de prezos é afogar economicamente ao Concello e ter que chegar a eliminar servizos.

O señor **alcalde** abre unha segunda quenda de intervencións e outorga a palabra a don **Xosé Manuel Fernández López**, que di sustancialmente que non queren eliminar servizos dos que moito comenzaron con este concelleiro fai seis ou sete anos. O argumento de que as cotas teñen que pagar o 100% do servizo, hai bastantes servizos que as taxas non cobren o 100% dos servizos, e razoablemente dende o goberno non están prantexando un incremento que vaia a cubrir ese 100%. Non se pode dicir que coa proposta que fai o seu grupo municipal, que se cifra en 50 mil euros, o que pretende o grupo municipal do BNG é eliminar servizos, iso é pura demagogia. Unha conxelación de taxas e prezos públicos que supón arredor de 50 mil euros non é a devacle do concello, os grandes montos de diñeiro, que son o saneamento, o abastecemento, a recollida de lixo, a limpeza urbana, xa se incrementan obrigatoriamente porque están no contrato, e o IBI que supón o 70% dos impostos directos, vostedes mesmos non propoñen o incremento. Di estar dacordo ca crítica que lle fan o grupo municipal popular sobre o incremento do IBI, se incrementa polos valores do catastro e a ponencia do catastro non depende do goberno municipal. Se aplicasen esa filosofía de que as cotas financiasen o 100% dos servizos, ¿canto tería de cota a escola municipal de música?, ¿e os comedores escolares?. O que son as melloras técnicas lles parecen positivas e as apoian, pero esas outras taxas non afectadas por contrato é asumible mantelas no prezo que están, xa que se a un traballador lle reducen o salario o 5% e ten que pagar no imposto de vehículos o mesmo que pagaba o ano pasado, comparativamente o precio é maior.

Intervén polo grupo municipal popular don **Ramón García Argibay** que di que o goberno municipal a pesares de ser uns nefastos xestores económicos, practican a demagogia de maneira perfecta, e que como dicía o compañeiro do grupo municipal do BNG a alumna está a superar ó maestro. Que falen como queiran pero o que está facendo o goberno é subir os prezos, e o suben como mínimo, o 2,3% e o 3,8 % se temos en conta o IPC negativo do ano pasado. Os argumentos do goberno son que mentimos, non sabemos do que falamos, pero o goberno tamén dicía que o grupo municipal popular mentía cando dicía que se debían cartos a provedores nunha cantidade importante ou cando dende o grupo municipal popular aseguraban que o orzamento era imposible de cumprir, que estaba sobredimensionado, que abusaban do gasto, que ían a vender unha parcela por 12 millóns de euros e venderon 0 euros, que ían a facer non sei cantas inversións e o nivel de inversión non chegou o 30%, neses casos tamén dicía o goberno que o grupo municipal popular mentía. Cando os últimos argumentos de peso son os da descalificación, a dobre moral e a demagogia, ó final a xente sabe quen minte e quen non minte. Cando din que os prezos teñen que cubrir os servizos, están a utilizar a dobre moral ¿cales son os servizos que cobren gastos?. Non queremos eliminar os comedores escolares nin outro tipo de servizos pero hai formas e formas de xestionar e o goberno xestionando non o están a facer ben porque os números están aí. O goberno pode falar de que non hai subida de impostos, que é actualización de prezos, pero a maior parte da xente se nos actualizou o soldo fai moi pouquiño tempo, e esas actualizacións son sempre á baixa. O goberno municipal non é previsible porque non son capaces de planificar. No pleno anterior o alcalde lle dixo que el tiña as neuronas alambicadas e lle preguntou que significaba iso, o mirou no dicionario no que di que alambicado é sutil, agudo e perspicaz e lle da as grazas ó señor alcalde pero que hai que ter unha cousa clara e é

que o alago debilita, sobre todo cando ven de amigos, e cando ven de xente que non ten ese calificativo non debilita e lle recomenda senón lle cree que entre na páxina da Real Academia da Lingua Española.

Intervén o señor alcalde don **Carlos A. Fernández Castro** para dicirlle ó señor Ramón García Argibay que está a facer unha lectura parcial do dicionario, que o lea completo porque os dicionarios recollen toda unha serie de acepcións e lle convida a que mire todas esas acepcións para ver o que realmente quere dicir con alambicadas.

Intervén polo grupo municipal socialista a concelleira de Economía e Facenda dona **Patricia Conde Lois**, que di substancialmente que en ningún momento descalificou o grupo municipal popular e que outro ano mais non entenden o que é subida de impostos nin a actualización de prezos, que sempre que non teñen por onde saír ca súa contestación, vanse polas ramas utilizando os mesmos argumentos, que se as débedas, que se a situación económica, e pide que se ciñan o debate que toca. Que cando fala de que hai unha normativa que di que as taxas deben tentar cubrir o prezo do servizo, o di conscientemente, aínda a sabendas de que en moitos dos casos non é así, está ben saber a postura do BNG, porque hai uns meses cando se propuso na orde do día da comisión informativa para traer a pleno, que é o órgano competente, o incremento da taxa do comedor, o día seguinte había preconvocada unha manifestación en contra desta subida. Que non só neste concello é difícil facer planificacións económicas, senón en todos os concellos de Galicia e españois, e a Xunta tamén ten problemas cos recortes que se están producindo a día de hoxe, querendo destacar subida de impostos, como o da auga, no que se nos acaba de impoñer unha subida de mais do 140% para a taxa de auga e que cada veciño terá que pagar, isa é a política do partido popular, que para quedar ben propoñen conxelacións, que queda moi bonito pero que non ten saídas, porque hai que ter en conta a situación dos concellos, porque estamos nunha situación complicada de diminución de ingresos por todas as vías, pola vía da Xunta, diminuindo subvencións, pola vía dos ingresos ordinarios, por todas as vías. Remata dicindo non estar dacordo con esta conxelación de impostos e considera fundamental a actualización destes tipos impositivos.

Intervén o señor alcalde **Carlos A. Fernández Castro** para dicir que despois de consumidas todas as quendas está en riba da mesa o ditamen da Comisión Informativa de aprobación inicial de todas estas modificacións e hai unha enmenda presentada polo grupo municipal do BNG e toda vez que xa na comisión se falou que era convinte estudar calquera modificación que se puidera presentar, porque algúns temas poden ter transcendencia económica ou xurídica, preguntalle ó señor tesoureiro que ten diante a enmenda do BNG, se observa algunha anomalía económica ou xurídica.

Intervén o señor tesoureiro da corporación don **Santiago González Prado** que di que ó respecto da enmenda que fai o grupo municipal do BNG, dicir que respecto a ordenanza fiscal reguladora do imposto por incremento de valor dos terreos de natureza urbana non hai ningún incremento na proposta que hai no expediente, e con respecto á ordenanza fiscal reguladora da taxa por actos de utilización privativa ou aproveitamento especial do dominio público local derivados da execución de obras, é unha ordenanza nova co cal tampouco existe ningún incremento.

Explica o señor alcalde don **Carlos A. Fernández Castro** que dúas ordenanzas estarían excluídas da posibilidade de conxelación e corresponde preguntarlle a señora interventora se hai algún problema de transcendencia económica ou xurídica para que poida ser aprobada a enmenda do BNG e contesta a señora interventora dona **María Carmén Castro Louzao** que non.

En primeiro lugar se somete a votación a enmenda do BNG e o señor alcalde don **Carlos A. Fernández Castro** lle pide ó señor tesoureiro que lle diga o nome das ordenanzas para saber cales teñen enmenda

Intervén o señor tesoureiro para dicir que son as seguintes:

Punto sexto da orde do día, Ordenanza fiscal reguladora do imposto sobre vehículos de tracción mecánica.

Punto sétimo da orde do día, Ordenanza fiscal reguladora do imposto sobre construcións, instalacións e obras.

Punto décimo segundo da orde do día, Ordenanza fiscal reguladora da taxa por expedición de documentos.

Punto décimo terceiro da orde do día, Ordenanza fiscal reguladora da taxa por expedición de licenzas urbanísticas.

Punto décimo cuarto, Ordenanza fiscal reguladora da taxa pola licenza de apertura de establecementos.

Punto décimo quinto, Ordenanza fiscal reguladora da taxa pola entrada de vehículos a través de beirarrúas e por reserva da vía pública para aparcadoiro exclusivo, carga e descarga de mercadorías de calquera clase.

Punto décimo sexto. Ordenanza fiscal reguladora da taxa por instalacións de postos, barracas, casetas de venda, espectáculos, atraccións ou recreo, situados en terreo de uso público municipal, así como industrias na rúa e rodaxe cinematográfico.

Punto décimo sétimo, Ordenanza fiscal reguladora da taxa por ocupación de terreos de uso público con mesas, cadeiras, tribunas, taboados e outros elementos análogos, con finalidade lucrativa.

Punto décimo oitavo. Ordenanza fiscal reguladora da taxa por licenzas de autotaxi e demais vehículos de alugueiro.

Punto vixésimo cuarto, Ordenanza reguladora do prezo público pola utilización das instalacións deportivas e culturais de propiedade municipal.

Punto vixésimo sétimo, Ordenanza reguladora do prezo público pola prestación do servizo de talado e roza nas faixas de seguridade definidas no plan para a protección do espazo rural e dos asentamentos e poboación do Concello de Ames.

Intervén o señor alcalde don **Carlos A. Fernández Castro** para dicir que a efecto de votación será tratado punto por punto, segundo aparece no orde do día e que cando exista enmenda primeiro se votará a enmenda e logo o ditame.

Rematadas as intervencións o pleno da corporación por maioría absoluta, cos votos a favor dos 9 membros do grupo municipal socialista e dos 5 membros do grupo municipal do BNG e a abstención dos 7 membros do grupo municipal popular, adopta os seguintes acordos:

Primeiro.- Prestar aprobación inicial á modificación da ordenanza fiscal xeral de xestión, recadación e inspección dos tributos e de outros ingresos de dereito público do concello de Ames, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

No artigo 11 “*bonificacións en materia de taxas*”, propónse a introducción de tres parágrafos a maiores. No punto quinto, tratase de unificar, por primeira vez, os conceptos de renda computable e de unidade familiar aos efectos de determinar a capacidade económica dos suxeitos pasivos, superando a indeterminación do concepto de familia monoparental mediante a regulación máis precisa dos supostos

de ruptura do vínculo afectivo (sexa ou non matrimonial). Dalgún xeito, propónse superar o concepto estricto de unidade familiar contemplado na normativa do imposto sobre a renda das persoas físicas adaptándose ás novas realidades de convivencia. No punto sexto repródúcese o disposto no artigo 6.c) do Real Decreto Lexislativo 2/2004, de 5 de marzo, polo que se aproba o texto refundido da lei reguladora das facendas locais, eliminando na bonificación das taxas calquer impedimento á libre fixación da residencia das persoas. Coa redacción do punto sétimo procurase que a situación de emerxencia social informada favorablemente polos Servizos Sociais do Concello estea acreditada efectivamente pola insuficiencia de medios económicos, establecendo unha cifra de ingresos máximos para a valoración da bonificación correspondente.

5. Aos efectos do disfrute das bonificacións nas cotas resultantes das Ordenanzas Fiscais, por consideración de criterios de capacidade económica dos obrigados a satisfacelas, partírase dos seguintes presupostos:

5.1. Na valoración das solicitudes de bonificacións terase en conta a renda per cápita familiar e a situación existente no exercicio fiscal inmediatamente anterior, coa excepción dos supostos onde proceda o outorgamento dunha bonificación por familia numerosa, e nos casos de separación, divorcio ou ruptura do vínculo non matrimonial, supostos ambos nos que a súa acreditación na data da solicitude da bonificación será tida en conta soamente aos efectos do cómputo dos membros da unidade familiar.

5.2. A renda per cápita familiar englobará os ingresos netos anuais de todos os membros da unidade familiar, divididos polo número de membros computables do exercicio fiscal que proceda segundo o disposto no parágrafo anterior. Para a determinación destes ingresos seguirase as seguintes regras:

a) No caso de presentación da declaración do IRPF do exercicio anterior, partírase do importe que figure na parte xeral da base imponible do imposto.

b) No caso de non estar obrigado a presentar a declaración do IRPF, estarase aos importes resultantes do certificado de retencións expedidos pola empresa ou das copias compulsadas das nóminas, e subsidiariamente, da declaración xurada de ingresos presentada polo membro computable da unidade familiar, sen prexuízo de achegarse a certificación correspondente da AEAT sobre os datos fiscais daqueles.

c) Nos supostos de separación, divorcio ou ruptura do vínculo non matrimonial, a renda procedente das pensións compensatorias establecidas nos convenios reguladores, agás denuncia do seu impago acreditada formalmente e vixente na data da solicitude, será tida en conta para a determinación da capacidade económica do solicitante. Dita renda incrementarase atendendo á variación interanual do IPC dende a data da sentenza ou formalización do convenio regulador.

d) Se nos supostos de separación e divorcio, os ex cónxuxes presentaran declaración conxunta no exercicio fiscal anterior, deberá achegarse certificación acreditativa dos datos fiscais individualizados da persoa solicitante, ou ben estarase aos importes resultantes do certificado de retencións expedidos pola empresa ou das copias compulsadas das nóminas, e subsidiariamente, da declaración xurada de ingresos

5.3. Compoñen a unidade familiar, a estes efectos:

a) Os pais non separados legalmente, e no seu caso, o titor ou persoa encargada da garda e protección do menor.

b) Os fillos menores de idade, con excepción dos emancipados.

c) Os fillos maiores de idade con discapacidade física, psíquica ou sensorial ou incapacitados xudicialmente, suxeitos á patria potestade prorrogada ou rehabilitada.

d) Os fillos solteiros menores de vinte e cinco anos e que convivan no domicilio familiar a 31 de decembro do ano inmediato anterior a aquel no que solicite a bonificación, sempre que non tiveran un contrato de traballo ou perciban recursos (agás bolsas), durante o ano inmediato anterior.

e) Cando non exista vínculo matrimonial, a unidade familiar entenderase constituída polo pai, a nai e todos os fillos dos pais que convivan con eles e reúnan os requisitos do apartado anterior.

f) No caso de separación, divorcio ou ruptura do vínculo non matrimonial, non se considerará membro da unidade familiar aquel que non conviva co solicitante. En cambio, si terá a consideración de membro computable o novo cónxuxe ou persoa unida ao pai/nai e que si conviva co solicitante. A separación, divorcio ou ruptura do vínculo non matrimonial acreditarase

mediante sentenza xudicial que determine a mesma, baixa no correspondente rexistro de parellas de feito, ou convenio regulador onde conste a custodia do menor.

6. Por aplicación do artigo 6.c) do Real decreto lexislativo 2/2004, de 5 de marzo, polo que se aproba o Texto refundido da lei reguladora das facendas locais, que proclama que os tributos que establezan as entidades locais non poderá afectar de xeito efectivo á fixación da residencia das persoas, non poderá establecerse ningún tipo de bonificación ou beneficio fiscal por causa do lugar de residencia do contribuínte.

7. Cando a Ordenanza estableza unha bonificación en función da situación de emerxencia social do interesado/a, para a súa valoración polos Servizos Sociais do Concello, os ingresos mensuais da unidade familiar non poderán superar o IPREM do exercicio económico anterior, incrementado nun 10% por cada membro desta. No suposto de formar parte da unidade familiar un menor, unha persoa con discapacidade ou persoa dependente da unidade familiar, o incremento será dun 20% por cada un deles.

No artigo 12, "Tramitación" das bonificacións, proponse suprimir o primeiro parágrafo, ao entender que a facultade correspondente do Pleno virá determinada polas limitacións previstas na lexislación tributaria, e que dita capacidade pódela exercer mediante súa potestade regulamentaria. Igualmente prevese introducir expresamente a mención, no parágrafo quinto, de que os beneficios fiscais deberán ser solicitados dentro dos prazos previstos nas correspondentes Ordenanzas, ou perderase o dereito a súa estimación.

No artigo 37, "prazos de pagamento", proponse a supresión do parágrafo sétimo, que é unha reiteración do parágrafo primeiro.

Polo que se refire aos fraccionamentos e aprazamentos, obsérvase a necesidade de introducir, na documentación solicitada ás persoas xurídicas para a súa estimación, a necesidade de achegar a conta de perdas e ganancias, ao marxe do balance de situación (artigo 43.7). Como contrapartida, preténdese suprimir o apartado d) do punto oitavo do artigo 43, en canto que a denegación da solicitude de fraccionamento pola simple observación da base imponible do imposto de sociedades do exercicio anterior pode supoñer unha traba real para valorar a dificultade transitoria de liquidez da respectiva entidade. O parágrafo 2 do artigo 45 debe desaparecer, ao repetir o previsto no 43.8.

No artigo 43.7, preténdese introducir un terceiro suposto (letra c), para as entidades ás que se refire o artigo 35.4 da Lei 58/2003, xeral tributaria, e que soliciten o fraccionamento (por exemplo, comunidades de propietarios, garaxes,...), especificando a documentación que deberán achegar nese caso.

Por axilidade na xestión dos expedientes recadatorios, e dado os amplos termos nos que está feita a delegación na Xunta de Goberno Local do Concello de Ames sobre o seguimento dos asuntos económicos, convén que canta competencia aparece na Ordenanza Fiscal Xeral atribuída á Xunta de Goberno Local se substitúa pola seguinte mención "Alcalde-Presidente ou órgano en quen delegue", atando dese xeito as posibles delegacións que se queiran facer nun futuro. En calquera caso, proponse que nos seguintes supostos, resolva, mediante o oportuno decreto, o Alcalde-Presidente, evitando as dúbidas que na práctica se poidan xenerar, quedando residenciada, agás delegación, na Xunta de Goberno Local, únicamente a aprobación dos padróns, matrículas e censos fiscais:

–Artigo 45.5 (fraccionamentos e aprazamentos).

–Artigo 50.2 (compensacións tributarias).

–Artigo 56.4 (consultas tributarias).

–Artigo 67.5, de nova creación (aprobación dos plans de inspección).

–Artigo 78 (resolución de expedientes sancionadores).

–Artigo 85, 86, 89.1 e 89.5 (revogación de actos, rectificación de erros, interposición de recursos administrativos e acordos de suspensión), se ben aquí non se menciona en concreto ao órgano, debendo suprimirse a expresión de "Xunta de Goberno Local", pola de "órgano competente", entendendo que incluso o tesoureiro municipal é o órgano competente para ditar as providencias na fase executiva, e polo tanto, o autorizado para resolver os recursos plantexados.

No artigo 44, volvendo ao tema dos fraccionamentos, recoméndase as seguintes melloras técnicas para aceptar garantías que non consistan en aval, introducindo a necesidade de que sexan dúas, como mínimo, as entidades financeiras ou de caución que se neguen a prestar o aval ou seguro; así como a previsión de que valoración dos bens ofrecidos en garantía teña unha antigüidade máxima á data da solicitude de tres meses.

No capítulo referente as normas sobre actuacións e procedementos tributarios, introdúcese un novo artigo, o 60 bis, co fin de solventar un problema que estaba a aparecer na práctica: a solicitude de división da débeda para os cotitulares dun mesmo ben.

ARTIGO 60º.bis. SOLICITUDE DE DIVISIÓN DA DÉBEDA.

1. O Concello de Ames emitirá os recibos e as liquidacións tributarias a nome do primeiro titular do dereito constitutivo do feito imponible.

Non obstante, cando un ben inmovible ou dereito pertenza a dous ou máis titulares poderase solicitar a división da cota tributaria, sendo indispensable achegar os datos persoais e os domicilios do resto dos obrigados ao pagamento, así como os documentos públicos acreditativos da proporción en que cada un participa no dominio ou dereito sobre o inmovible. Neste caso, os obrigados tributarios deberán domiciliar nunha entidade financeira o pagamento das cotas individuais resultantes.

Unicamente está prevista a división da cota tributaria nos tributos locais que graven a titularidade de bens inmovibles ou dereitos reais inmobiliarios ou a transmisión da propiedade ou dereitos reais sobre estes:

a) Nos tributos de carácter periódico, poderase solicitar a división da cota tributaria cos requisitos anteriormente enunciados, a instancia de todos os interesados, sempre que se solicite con anterioridade ao inicio do período voluntario de pagamento.

b) Aos tributos de carácter non periódico, poderase solicitar a instancia de todos os interesados a división da débeda tributaria sempre que se realice con anterioridade ao período voluntario de pagamento.

Unha vez aceptada pola Administración a solicitude de división, os datos incorporaranse no padrón do exercicio inmediatamente posterior e manterase nos sucesivos mentres non se solicite a modificación.

2.- Non se dividirá a débeda cando como consecuencia da división desta resulten cotas antieconómicas.

3. -Se algunha das cotas resulta impagada esixírase o pagamento da débeda a calquera dos responsables solidarios.

4. -En ningún caso se poderá solicitar a división da cota do tributo nos supostos de réxime económico matrimonial de Sociedade de Gananciales.

Nos supostos de recaer Sentenza xudicial firme de separación, nulidade ou divorcio, na que se atribúa o uso da vivenda a un dos cotitulares, poderase solicitar a alteración da orde dos suxeitos pasivos para facer constar, en primeiro lugar, quen sexa beneficiario do uso. Neste caso, esíxese o acordo expreso dos interesados. Tal alteración deberá comunicarse, en todo caso, á Xerencia Territorial de Catastro.

Introdúcese tamén uns novos puntos no artigo 67 “inspección tributaria”, especificando determinadas cuestións organizativas e de funcionamento:

3. Exercerá a xefatura da inspección de tributos municipais o/a xefe do servizo de recadación, a cuxo cargo estarán todos os traballos de organización e coordinación,

4. O exercicio das funcións propias da inspección dos tributos adecuadarase aos correspondentes plans de actuacións inspectoras, sen prexuízo da iniciativa dos actuarios de acordo cos criterios de eficacia e oportunidade.

5. Anualmente formaranse os correspondentes plans de actuación da inspección, que serán aprobados pola Alcaldía-Presidencia ou órgano en quen delegue. Os criterios que informan os Plans de Inspección faranse públicos mediante a colocación dunha nota informativa no taboleiro de anuncios do Concello e na páxina web municipal.

Acláranse determinados aspectos do artigo 75, suprimindo a necesidade de facer liquidacións posteriores e habilitando a posibilidade de liquidar xuros de demora por calquera importe.”

Punto sexto.- Aprobación inicial da modificación da Ordenanza fiscal reguladora do imposto sobre vehículos de tracción mecánica.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na conxelación do imposto manténdose o resto das modificacións propostas na ordenanza que non teñen repercusión económica.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5

membros do grupo municipal do BNG e os votos en contra dos 9 membros do grupo municipal socialista.

Aprobada a enmenda os acordos que se adoptan os seguintes:

Primeiro.- Prestar aprobación inicial á modificación da ordenanza fiscal reguladora do imposto sobre vehículos de tracción mecánica, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 8.º.-Cota tributaria.

(...)

2.-Para os efectos de facilita-la aplicación das tarifas, deberanse ter en conta a seguinte normativa:

A) en canto a clasificación dos vehículos, o anexo II do Regulamento Xeral de Vehículos, aprobado polo Real Decreto 2822/1998, de 23 de decembro, que recolle nas súas letras "A", "B" e "C", as "Definicións", "Clasificación por criterios de Construcción" e "Clasificación por criterios de utilización"

B) En canto a determinación da potencia fiscal, mediante as formulas recollidas no anexo V do referido Regulamento Xeral de Vehículos.

C) Os vehículos definidos como mixtos, todoterreo, mixtos adaptables, mixtos todoterreo, e furgón mixto adaptable e similares polo literal da clave numérica reflectido na ficha técnica, tributarán como turismo, pola súa potencia fiscal, agás nos seguintes casos:

- Se o vehículo está habilitado para o transporte de máis de nove persoas incluído o conductor, tributará como autobús.
- Se o vehículo estuviere autorizado para transportar máis de 525 kg. de carga útil, tributará como camión.

D) Os vehículos denominados autocaravanas serán considerados furgonetas para os efectos de tributación.

E) Os furgóns, agás o mixto adaptable, tributarán como camiións.

F) As ambulancias e coches fúnebres tributarán como turismos.

G) Os cuatriciclos ligeros tributarán como ciclomotores.

H) Os motocarros terán a consideración, aos efectos deste imposto, de motocicletas e, polo tanto, tributarán pola súa cilindrada.

I) Cando se trate de vehículos articulados tributarán simultaneamente e por separado o que leve a potencia de arrastre e os remolques e semirremolques arrastrados.

K) As máquinas autopropulsadas ou automotrices que podan circular polas vías públicas sen ser transportadas ou arrastradas por outros vehículos de tracción mecánica tributarán polas tarifas correspondentes aos tractores, quedando comprendidos, entre estes, os tractocamiións e camiións de obras e servizos.

L) Nos casos de vehículos nos que apareza na tarxeta de inspección técnica a distinción na determinación da carga entre MMA (masa máxima autorizada) e MTMA (masa máxima técnicamente admisible), se estará, aos efectos da súa tarificación, aos kilos expresados na MMA, que corresponde á masa máxima para a utilización dun vehículo con carga en circulación polas vías públicas, conforme ao indicado no RXV. Este peso será sempre inferior ou igual ao MTMA .

Punto sétimo.- Aprobación inicial da modificación da Ordenanza fiscal reguladora do imposto sobre construcións, instalacións e obras.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na

conxelación do imposto, manténdose o resto das modificacións propostas na ordenanza que non teñen repercusión económica.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda os acordos que se adoptan os seguintes:

Primeiro.- Prestar aprobación inicial á modificación da ordenanza fiscal reguladora do imposto sobre construcións, instalacións e obras, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Disposición Adicional.

Se como consecuencia da aplicación da Directiva de Servizos 2006/123/CE, do Parlamento Europeo e do Consello de 12 de decembro de 2006, relativa aos servizos no mercado interior, lei 17/2009, de 23 de novembro, sobre o libre acceso ás actividades de servizos e o seu exercicio, lei 25/2009, de 22 de decembro, de modificación de diversas leis para a súa adaptación á lei sobre o libre acceso ás actividades de servizos, lei 1/2010, de 11 de febreiro, de modificación de diversas leis de Galicia para a adaptación á Directiva de Servizos 2006/123/CE, do artigo 71.bis da Lei 30/1992, de 26 de novembro, do réxime xurídico das Administracións Públicas e do Procedemento Administrativo común, e da demais normativa autonómica ou estatal de transposición da Directiva, se modificara o réxime xurídico das licenzas de obra ou urbanísticas de competencia municipal, esta Ordenanza tamén será aplicable a todas as construcións, instalacións e obras que pasen do réxime de intervención ao de comunicación previa ou ao de declaración responsable. Nestes supostos, a autoliquidación do imposto presentarase no momento en que o suxeito pasivo realice a comunicación previa ou a declaración responsable, e o órgano municipal que teña atribuída en cada momento a competencia, realizará os actos de xestión, consulta e expedición dos documentos correspondentes, practicando, no seu caso, a correspondente liquidación, que terá carácter provisional

Punto oitavo.- Aprobación inicial da modificación da Ordenanza fiscal reguladora do imposto sobre o incremento do valor dos terreos de natureza urbana.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial á modificación da Ordenanza fiscal reguladora do imposto sobre o incremento do valor dos terreos de natureza urbana, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 5.

...

h) Non se liquidarán cotas inferiores a 6 euros que requiran notificación expresa, mesmo as que resulten de liquidacións complementarias. Esta limitación non afecta aos xuros producidos en aprazamentos ou fraccionamentos de pagamento, nin ás liquidacións resultantes da concesión de beneficios fiscais mediante resolución que deba ser notificada aos interesados.

Punto noveno.- Aprobación inicial da modificación da Ordenanza fiscal reguladora da taxa por actividades e servizos relacionados coa hixiene urbana.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial á modificación da Ordenanza fiscal reguladora da taxa por actividades e servizos relacionados coa hixiene urbana, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

ANEXO: TARIFAS

Contías en euros

TARIFA N.º 1: XESTIÓN DO LIXO DOMICILIARIO E RESIDUOS SÓLIDOS URBANOS ASIMILABLES: euros

Epígrafe 10. Vivendas: 71,93.

Concepto 1000: Recollida

Epígrafe 11: Aloxamentos e centros de ensinanza:

Concepto 1100: hoteis, moteis, hostais e hoteis-apartamentos de 5 estrelas, por cada praza e ano, euros (cun mínimo anual de 174,82 euros): 19,20

Concepto 1101: hoteis, moteis, hostais e hoteis-apartamentos de 4 estrelas, por cada praza e ano, euros (cun mínimo anual de 174,82 euros): 18,27

Concepto 1102: hoteis, moteis, hostais e hoteis-apartamentos de 3 estrelas, por cada praza e ano, euros (cun mínimo anual de 174,82 euros): 15,13

Concepto 1103: hoteis, moteis, hostais e hoteis-apartamentos de 2 estrelas, por cada praza e ano, euros (cun mínimo anual de 174,82 euros): 13,87

Concepto 1104: hoteis, moteis, hostais e hoteis-apartamentos de 1 estrela e campamentos de turismo, por cada praza e ano, euros (cun mínimo anual de 158,77 euros): 12,59

Concepto 1105: pensións de 2 estrelas e campamentos de turismo e albergues xuvenís, por cada praza e ano, euros: 4,15

Concepto 1106: pensións de 1 estrela, por cada praza e ano, euros (cun mínimo ao ano de 155,81 euros): 12,59

Concepto 1107: fondas, por cada praza e ano (cun mínimo anual de 91,07 euros): 7,67

Concepto 1108: casas de hospedaxe, por cada praza ao ano, euros (cun mínimo anual de 86,96 euros): 6,15

Concepto 1109: hospitais, sanatorios e demais centros sanitarios asistenciais, por cada praza, ao ano, euros (cun mínimo de 443,98 euros anuais): 36,19

Concepto 1110: centros docentes, colexios maiores e residencias de estudantes con réxime de pensión alimenticia, por cada praza ao ano, euros (cun mínimo de 381,94 euros). 12,59

Concepto 1111: centros docentes, colexios maiores e residencias de estudantes, sen réxime de pensión alimenticia, por cada centro, ao ano: 307,78

Concepto 1112: Centros de ensinanza que realizan a súa actividade en locais de menos de 100 m²: 153,91

Epígrafe 12: Locais

Concepto 1200: RESTAURANTES

120000 de categoría de luxo: 677,14

120001 de categoría 1.^a: 615,59

120002 de categoría 2.^a: 500,16

120003 de categoría 3.^a: 400,08

120004 de categoría 4.^a: 300,11

Concepto 1201: CAFETERÍAS

120100 de categoría especial: 538,65

120101 de categoría 1.^a: 423,22

120102 de categoría 2.^a: 346,28

120103 de categoría 3.^a: 169,29

Concepto 1202: BARES

120200 de categoría especial, epígrafe 673.1 IAE: 615,59.

120201 outros cafés e bares, epígrafe 673.2 IAE (zona urbana): 138,45

120201 outros cafés e bares, epígrafe 673.2 IAE (resto): 115,43

Concepto 1203: SALAS DE FESTAS, DISCOTECAS, WHISKERÍAS, BINGOS E SIMILARES: 615,57

Concepto 1204: CÍRCULOS E CLUBS

120400 con restaurante e/ou cafetería: 384,75

120401 os demais: 192,36.

Concepto 1205: TEATROS E CINES

120500 teatros e cines con local pechado: 261,63

120501 teatros e cines con local aberto: 76,94

Concepto 1207: FÁBRICAS, TALLERES DE REPARACIÓN DE AUTOMÓBILES, ASERRADEIROS E GRANDES ALMACÉNS

120700 ata 10 empregados:

120700.00 de 1 empregado: 121,93

120700.01 de 2 a 4 empregados: 182,90

120700.02 de 5 a 7 empregados: 243,86

120700.03 de 8 a 10 empregados: 304,84

120701 máis de 10 empregados, ata 20: 487,73

120702 máis de 20 empregados, ata 50: 926,39

120703 máis de 50 empregados, ata 100: 1.781,87

120704 máis de 100 empregados: 3.551,94.

Concepto 1208: MERCADOS, SUPERMERCADOS, COMERCIOS O POR MAIOR DE PRODUCTOS ALIMENTARIOS E ESTABLECEMENTOS AGROALIMENTARIOS

120801 establecementos en réxime de autoservizo e mixto, distintos dos contemplados no epígrafe 661.2 da sección 1.^a das tarifas do imposto sobre actividades económicas:

120801.00 con superficie superior a 400 m²: 1.829,03

120801.01 con superficie comprendida entre 399 m² e 120 m²: 365,81

120801.02 con superficie comprendida entre 120 m² e 60 m²: 243,86

120801.03 con superficie inferior a 60 m²: 121,93

120802 Outros establecementos:

120802.00 peixerías e carnicerías, verdulerías e froiterías: 121,93

120802.01 os demais establecementos: 92,33

120803 Mercados centrais de maioristas:

120803.00 entidades xestoras dos mercados centrais maioristas: 2.507,14

120803.01 por cada posto modular: 361,88.

Concepto 1209: ENTIDADES BANCARIAS E CAIXAS DE AFORROS, GASOLINEIRAS E ESTACIÓNS DE SERVIZO

Concepto 120901 entidades bancarias e caixas de aforro: 731,01.

Concepto 120902 gasoleiras e estacións de servizo, por surtidor (ata un máximo de 520,14 euros): 153,90.

Concepto 1210: CENTROS OFICIAIS (Produtores de menos de 1000 l de residuos, por día):

121000 ata 500 m² de superficie: 324,56.

121001 desde 500 m² ata 1000 m² de superficie: 650,06.

121002 máis de 1000 m² de superficie: 974,63.

Concepto 1211: LOCAIS, ESTABLECEMENTOS E TODA CLASE DE INSTALACIÓNS DE CARÁCTER PÚBLICO OU PRIVADO, NON COMPRENDIDOS EN CONCEPTOS ANTERIORES E GRANDES PRODUCTORES DE RESIDUOS

121100 por cada fracción de 100 litros de residuos xerados ao día, ao ano: 192,36.

NOTA: para os efectos da notificación da cota derivada deste concepto, os obrigados ao pagamento deberán declarar a media de residuos xerados, previo requirimento, para iso, pola Inspección do servizo, que poderá rectificar as declaracións formuladas ou estimar de oficio o volume de residuos no caso de falta de declaración.

Concepto 1212: DESPACHOS PROFESIONAIS: 92,33

Concepto 1213: POSTOS, QUIOSCOS E CALQUERA OUTRO CON INSTALACIÓN PERMANENTE NA VÍA PÚBLICA E NON SUXEITO POR CONCEPTOS ANTERIORES DESTAS TARIFAS: 29,08

Concepto 1214: DEMAIS LOCAIS E NEGOCIOS NON COMPRENDIDOS NOS EPÍGRAFES E CONCEPTOS ANTERIORES: 92,33

NOTA COMÚN Á TARIFA N.º 1:

As cotas reseñadas nesta tarifa teñen carácter de mínimas, podendo os servizos de inspección, con comunicación e audiencia ao interesado, axustalas ao volume de residuos xerados, tomando como base para o cálculo o concepto 121100.

TARIFA N.º 2: POR UTILIZACIÓN DAS INSTALACIÓNS DE TRATAMENTO: euros

Epígrafe 20. Instalacións de tratamento

Concepto 2001: polo tratamento de cada quilogramo de residuos sólidos clasificado nas fraccións utilizadas para recollida selectiva. O mínimo de percepción non será inferior a 2,90 euros.: 0,03

Concepto 2002: polo tratamento de cada quilogramo de residuos sólidos sen clasificar. O mínimo de percepción non será inferior a 3,66 euros: 0,05

Concepto 2003: carga e transporte de residuos urbanos a instalacións de tratamento. Por cada quilogramo de residuos urbanos, euros (cun mínimo de 41,14 euros): 0,11

TARIFA N.º 3: POR LIMPEZAS EXTRAORDINARIAS DE LUGARES ONDE SE CELEBRARÁN ACTOS PÚBLICOS: euros

Epígrafe 30. Limpeza

Por cada m² de limpeza da vía pública, euros (cun mínimo de 51,57 euros): 0,03

Epígrafe 31. Carga e transporte de residuos sólidos urbanos a vertedoiros:

Concepto 3100: por cada quilogramo de residuos sólidos urbanos, euros (cun mínimo de 41,44 euros): 0,11

Concepto 3101: por cada m³ de residuos inertes, euros (cun mínimo de 41,13 euros): 12,04

NOTA: a débeda tributaria esixible obterase por aplicación do disposto no artigo 12.1.b) desta ordenanza

TARIFA N.º 4: POR RETIRADA DE VEHÍCULOS: euros

Epígrafe 40. Recollida de vehículos.

Concepto 4000: pola retirada de motocicletas, velocípedos, triciclos, motocarros e demais vehículos de características análogas.: 27,24

Concepto 4001: pola retirada de toda clase de vehículos turismos, así como camionetas, furgonetas e demais vehículos de características análogas con tara inferior a 1.000 k: 56,28.

Concepto 4002: pola retirada de camiións, tractores, turismos, remolques, camionetas, furgonetas e demais vehículos de características análogas con tara superior a 1.000 k: 139,52

Epígrafe 41. Depósito de vehículos.

Concepto 4100: motocicletas, velocípedos, triciclos, motocarros e demais vehículos de características análogas, por día: 2,21

Concepto 4101: automóviles de turismo, furgóns, furgonetas e demais vehículos con tara inferior a 1.000 k, por día: 3,46

Concepto 4102: camiións, tractores, remolques, camionetas, furgonetas e demais vehículos con tara superior a 1.000 k, por día: 7,39

NOTA 1.^a. A débeda tributaria esixible obterase por aplicación do disposto no artigo 12.1.b) desta ordenanza.

NOTA 2.^a. No caso de que se iniciara a recollida e se realizara o enganche, pero non se completara o transporte do vehículo ata o depósito municipal porque non se tivera consumado este debido á presenza do interesado, satisfarase o 50% da tarifa que puidese corresponder.

NOTA 3.^a. As tarifas por retirada e por depósito de vehículos serán independentes entre si. Non obstante, a tarifa por depósito de vehículos só se aplicará no caso de que transcorran 24 horas dende a recollida daqueles, sen ser retirados polos seus propietarios.

TARIFA N.º 5: POR RETIRADA DE COLECTORES DE ENTULLO: euros

Epígrafe 50. Retirada e transporte a depósito: 95,52

Epígrafe 51. Depósito por cada día de estancia: 3,11

NOTA. A débeda tributaria esixible obterase por aplicación do disposto no artigo 12.1.b) desta ordenanza.

TARIFA N.º 6: LIMPEZA E/OU RETIRADA DE CARTEIS, SOPORTES, PANCARTAS E PINTADAS: euros

Epígrafe 60. Por limpeza e retirada de carteis, soportes, pintadas e pancartas

Concepto 6001: por cada m² de limpeza e de retirada de carteis: 21,28

Concepto 6002: por cada metro liñal de limpeza de pintadas: 21,28

Concepto 6003: por cada unidade de pancarta retirada da vía pública, euros: 12,18

NOTA. A débeda tributaria esixible obterase por aplicación do disposto no artigo 12.1.b) desta ordenanza.

TARIFA N.º 7: RETIRADA, TRANSPORTE E TRATAMENTO DE ANIMAIS DA VÍA PÚBLICA: euros

Epígrafe 70. Por cada unidade de peso menor de 70 k, euros: 18,82

Epígrafe 71. Por unidade de peso superior a 70 k, euros: 60,27.

TARIFA N.º 8: POLA PRESTACIÓN DOS SERVIZOS E REALIZACIÓN DAS ACTIVIDADES REFERIDOS NO Artigo 2º, LETRA K

A cota tributaria será o resultado de aplicar o número e entidade dos medios persoais e materiais que se utilicen na prestación do servizo, o tempo investido e a tarifa contida nos seguintes epígrafes e conceptos:

Epígrafe 80. Persoal

Concepto 8000: técnico superior ou medio, por cada hora ou fracción: 53,35

Concepto 8001: encargado, xefe, capataz ou inspector dos servizos, por cada hora ou fracción: 24,45.

Concepto 8002: conductor, mecánico ou operario, por cada hora ou fracción: 15,04

NOTA Concepto 8002: Cada hora liquidada incrementarase nun 15% adicional en concepto de custo derivado da supervisión e dirección da actividade, se esta non se liquidara directamente por aplicación do resto de conceptos do epígrafe 80.

Epígrafe 81. Materiais

Concepto 8100: o consumo de materiais computarase, previa valoración do concello, a prezos de mercado.

Concepto 8101: vehículos pesados (varredora, baldeadora, compactador, excavadora, grúa, pluma ou similar) por unidade e hora, sen conductor, euros: 24,45.

Concepto 8102: conductor, mecánico ou operario, por cada hora ou fracción: 15,05.

Epígrafe 82. Desprazamentos

Concepto 8200: por km percorrido, vehículo pesado, compactadores ida e volta, euros: 1,02.

Concepto 8201: por km percorrido, vehículos lixeiros.: 0,31.

NOTA. A débeda tributaria esixible obterase por aplicación do disposto no artigo 12.1.b) desta ordenanza.

Punto décimo.- Aprobación inicial da modificación da Ordenanza fiscal reguladora da taxa polo saneamento e depuración de augas residuais.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial á modificación da Ordenanza fiscal reguladora da taxa polo saneamento e depuración de augas residuais, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 6.º.-Cota tributaria.

1. A cota tributaria correspondente á concesión da licenza ou autorización de acometida á rede de sumidoiros esixirase por unha soa vez e consistirá na cantidade fixa de **33,62 euros**.
2. A cota tributaria a esixir pola prestación dos servizos de saneamento e depuración determinarase en función da cantidade de auga, medida en metros cúbicos, utilizada na finca.
3. O servizo de saneamento é a suma de dous servizos: da rede de sumidoiros e de depuración.
4. A tarifa do servizo da rede de sumidoiros aplicarase a todos os abonados que estean conectados á rede municipal de sumidoiros.
5. A tarifa de depuración sumarase á taxa da rede de sumidoiros para todos aqueles abonados que estean conectados a unha rede de sumidoiros que conduza os vertidos a un proceso de depuración.
6. As tarifas a aplicar son as seguintes:

Conceptos	Rede de sumidoiros	Depuración
A) Vivendas:		
Por cada m ³ facturado en abastecemento:	0,097417 euros	0,211196 euros
B) Por fincas e locais non dedicados exclusivamente a vivendas:		
Por cada m ³ facturado en abastecemento	0,098509 euros	0,211196 euros
C) Usuarios non dotados con auga do abastecemento municipal:		
Superficie de 100 m ² ou fracción. Por abonado e mes	1,483378 euros	3,396396 euros
D) No caso de industrias non dotadas con auga do abastecemento municipal ou que utilicen xunto coa auga da rede outra de distinta procedencia instalarán, ó seu cargo, sistemas de medida do caudal para determinación da cantidade a facturar. En caso de acordo entre abonado e concesionario se lle poderá practicar un aforo que servirá de base para a facturación. As tarifas a aplicar son as seguintes:		
Por cada m ³ medido ou aforado	0,098092 euros	0,212106 euros

7. En ningún caso poderá tomarse un consumo de auga que sexa inferior ó mínimo facturable polo subministro. A cota resultante da consideración deste consumo terá o carácter de mínima esixible.

8. Acometidas:

A unidade de acometida de auga residual formada por arqueta de saída, tubo de PVC de 160 mm/5 atm de diámetro, incluída escavación, recheo, demolición e reposición de firme, no seu caso, as como conexión a colector existente, para unha lonxitude media de 3 m:

Zanxa de terra: 338,02 euros/unidade

Zanxa en asfalto: 377,33 euros/unidade

Zanxa en beirarrúa: 423,93 euros/unidade

Os prezos anteriores se verán gravados co IVE correspondente.”

Punto décimo primeiro.- Aprobación inicial da modificación da Ordenanza fiscal reguladora da taxa pola subministración de auga.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial á modificación da Ordenanza fiscal reguladora da taxa pola subministración de auga, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 6.º.-Cota tributaria.

A cota de subministración de auga establécese segundo as seguintes tarifas:

1. Cotas de consumo:

a) Consumo doméstico:

- Mínimo: 15 m³/abonado mes: 0,393138 euros/m³
- De 15 m³/abonado mes a 35 m³/abonado mes: 0,457774 euros/m³
- Máis de 35 m³/abonado mes: 0,780201 euros/m³

b) Consumo comercial:

- Mínimo: 15 m³/abonado mes: 0,393320 euros/m³
- De 15 m³/abonado mes a 35 m³/abonado mes: 0,458685 euros/m³
- Máis de 35 m³/abonado mes: 0,780201 euros/m³

a) Consumo industrial:

- Mínimo: 20 m³/abonado mes: 0,470344 euros/m³
- De 20 m³/abonado mes a 40 m³/abonado mes: 0,537461 euros/m³
- Máis de 40 m³/abonado mes: 0,780389 euros/m³

b) Obras en execución

- Mínimo: 20 m³/abonado mes: 0,537026 euros/m³
- De 20 m³/abonado mes a 40 m³/abonado mes: 0,627923 euros/m³
- Máis de 40 m³/abonado mes: 1,310286 euros/m³

2. Taxa de enganche:

A taxa de enganche ou desprecintado do contador fíxase en 76,53 euros.

3. Fianzas:

Antes de concederse a autorización para a concesión ou desprecintado de contadores, o solicitante depositará nas arcas municipais unha fianza que se lle devolverá ó rescindir o contrato, unha vez abonados os recibos pendentes, de acordo coa seguinte tarifa:

- Fianza por subministro a domicilios ou locais: 21,30 euros.
- Fianza por subministro de auga a obras: 170,35 euros.

4. Cota de conservación de contadores: 0,318 euros/mes.

5. Xestión de cobro de impagados:

Cobro ós abonados morosos dos gastos ocasionados pola comunicación dos recibos pendentes de pagamento 3,97 euros/unidade.

6. Desprecintado do contador:

Esta cota é a que se refire ó restablecemento do servizo: 26,22 euros/unidade.

7. Acometidas:

Realízase o cálculo para a acometida normal de 3,00 metros de lonxitude media (1 a 5 metros)

Acometida	Terra (A)	Asfalto (B)	Baldosa-beirarrúa (C)
¾"	184,56	237,64	284,64
1"	198,9	251,01	295,38
1 ½"	239,29	291,92	336,31
2"	284,73	336,3	381,24

Para as acometidas de máis de 5 metros calcularase o custo de acordo ó seguinte cadro de prezos:

Acometida	¾"	1"	1 ½"	2"
(A) incremento euros por metro	8,55	10,04	14,36	24,07
(B) incremento euros por metro	18,91	20,4	24,69	34,39
(C) incremento euros por metro	22,74	23,6	28,46	38,13

Contadores:

a) Instalación de contador de 13 mm en batería de contadores ou similar: 75,61 euros/unidade:

- Contador de 13 mm
- Válvula antiretorno
- Pezas de conexión

b) Instalación de arqueta no solo: 168,44 euros/unidade:

- Arquetina de 40 x 40
- Contador de 13 mm
- Válvula antiretorno
- Pezas de conexión

c) Contador diámetro superior a 13 mm, cadro de tarifas sen instalación:

Diámetro: euros/unidade

13 mm: 51,91

15 mm: 59,09

20 mm: 72,11

25 mm: 117,45

30 mm: 164,20

40 mm: 254,53

50 mm: 556,17

65 mm: 689,48

Todos os prezos anteriores veranse gravados co IVE correspondente.

Punto décimo segundo.- Aprobación inicial da modificación da Ordenanza fiscal reguladora da taxa por expedición de documentos.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na conxelación da taxa manténdose o resto das modificacións propostas na ordenanza que non teñen repercusión económica.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda os acordos que se adoptan os seguintes:

Primeiro.- Prestar aprobación inicial á modificación da ordenanza fiscal reguladora da taxa por expedición de documentos, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 6.º . Tarifa

As tarifas que se aplicarán para a exacción desta taxa serán as seguintes:

(...)

Dereitos de exame:

- Grupo A1 ou asimilado: 26,33 euros
- Grupo A2 ou asimilado: 26,33 euros
- Grupo C1 ou asimilado: 21,06 euros
- Grupo C2 ou asimilado: 21,06 euros
- Outras agrupacións profesionais ou asimilados: 12,64 euros

Os dereitos de exame para calquera dos grupos anteriores, para persoas con discapacidade igual ou superior ao 33% (para o que deberá presentar o certificado de discapacidade correspondente) e para aquelas que figuren como demandantes de emprego durante o prazo, alomenos, de seis meses anteriores á data da convocatoria das probas selectivas nas que solicite a súa participación (para o que deberá presentar o documento xustificativo expedido pola oficina de emprego correspondente), terán cota cero.

Outros conceptos:

—Cando os traballos requiridos teñan que ser contratados polo concello de xeito externo, as contías a abonar polos interesados fixaranse segundo o presuposto facilitado pola empresa encargada da súa elaboración.

Punto décimo terceiro.- Aprobación inicial da modificación da Ordenanza fiscal reguladora da taxa por expedición de licenzas urbanísticas.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na

conxelación da taxa manténdose o resto das modificacións propostas na ordenanza que non teñen repercusión económica.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda os acordos que se adoptan os seguintes:

Primeiro.- Prestar aprobación inicial á modificación da ordenanza fiscal reguladora da taxa por expedición de licenzas urbanísticas, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Disposición Adicional.

Se como consecuencia da aplicación da Directiva de Servizos 2006/123/CE, do Parlamento Europeo e do Consello de 12 de decembro de 2006, relativa aos servizos no mercado interior, lei 17/2009, de 23 de novembro, sobre o libre acceso ás actividades de servizos e o seu exercicio, lei 25/2009, de 22 de decembro, de modificación de diversas leis para a súa adaptación á lei sobre o libre acceso ás actividades de servizos, lei 1/2010, de 11 de febreiro, de modificación de diversas leis de Galicia para a adaptación á Directiva de Servizos 2006/123/CE, do artigo 71.bis da Lei 30/1992, de 26 de novembro, do réxime xurídico das Administracións Públicas e do Procedemento Administrativo común, e da demais normativa autonómica ou estatal de transposición da Directiva, se modificara o réxime xurídico das licenzas de obra ou urbanísticas de competencia municipal, esta Ordenanza tamén será aplicable a todas as construcións, instalacións e obras que pasen do réxime de intervención ao de comunicación previa ou ao de declaración responsable. Nestes supostos, o feito impoñible da taxa sería a actuación levada a cabo polo Concello en orde ao control posterior dos actos comunicados previamente polo suxeito pasivo e dos requisitos declarados, a efectos de verificar o cumprimento da normativa reguladora daquela actuación, e a autoliquidación da taxa presentárase no momento en que o suxeito pasivo realice a comunicación previa ou a declaración responsable, e o órgano municipal que teña atribuída en cada momento a competencia, realizará os actos de xestión, consulta e expedición dos documentos correspondentes, practicando, no seu caso, a correspondente liquidación, que terá carácter provisional.

Punto décimo cuarto.- Aprobación inicial da modificación da Ordenanza fiscal reguladora da taxa pola licenza de apertura de establecementos.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na conxelación da taxa manténdose o resto das modificacións propostas na ordenanza que non teñen repercusión económica.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista

Aprobada a enmenda os acordos que se adoptan os seguintes:

Primeiro.- Prestar aprobación inicial á modificación da ordenanza fiscal reguladora da taxa pola licenza de apertura de establecemento, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Disposición adicional única

As modificacións que se introduzan na regulación do establecido nesta ordenanza pola Lei de orzamentos xerais do Estado ou por calquera outra lei ou disposición, e que resulten de aplicación directa, producirán, no seu caso, a correspondente modificación tácita da presente ordenanza fiscal.

Se como consecuencia da aplicación da Directiva 2006/123/CE, de 12 de decembro de 2006, do Parlamento Europeo, da lei 17/2009, de 23 de novembro, sobre o libre acceso das actividades de servizos e o seu exercicio, así como da Lei 25/2009, de 22 de decembro, de modificación de diversas leis no eido estatal, variara o réxime establecido no artigo 6 da lei de comercio interior de Galicia, a presente Ordenanza aplicarase para aquela actividade levada a cabo polo Concello en orde ao control posterior de apertura de establecementos comunicada previamente polo suxeito pasivo, e dos requisitos declarados, a efectos de verificar o cumprimento da normativa reguladora daquela.

No caso de exercicio de actividade en establecementos de profesións liberais, despachos, estudos, establecementos de servizos turísticos, así como servizos de mantemento e reparación que non estean sometidos ao procedemento de incidencia ambiental de acordo co previsto no Decreto 133/2008, o feito impositivo da Ordenanza estará determinado pola actividade de control posterior aludida no parágrafo anterior

Nestes supostos, coa presentación da comunicación de apertura ou ampliación deberá presentarse simultaneamente a autoliquidación da taxa, que será obxecto de comprobación polos departamentos correspondentes, unha vez se teña levado a cabo as actuacións de control posterior, sendo emitida, de ser necesaria, liquidación complementaria.

Punto décimo quinto.- Aprobación inicial da modificación da Ordenanza fiscal reguladora da taxa pola entrada de vehículos a través de beirarrúas e por reserva da vía pública para aparcadoiro exclusivo, carga e descarga de mercadorías de calquera clase.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na conxelación da taxa.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda, dado que a modificación que se propoñía e que foi ditaminada afectaba tan só a contía da taxa, coa aprobación da enmenda, non se produce ningunha modificación na ordenanza fiscal reguladora da taxa pola entrada de vehículos a través de beirarrúas e por reserva da vía pública para aparcadoiro exclusivo, carga e descarga de mercadorías de calquera clase.

Punto décimo sexto.- Aprobación inicial da modificación da Ordenanza fiscal reguladora da taxa por instalacións de postos, barracas, casetas de venda,

espectáculos, atraccións ou recreo, situados en terreo de uso público municipal, así como industrias na rúa e rodaxe cinematográfico.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na conxelación da taxa.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda, se modifica tan só aquela parte da ordenanza reguladora da taxa por instalacións de postos, barracas, casetas de venda, espectáculos, atraccións ou recreo, situados en terreo de uso público municipal, así como industrias na rúa e rodaxe cinematográfico que non supón suba tributaria senón clarificación do feito impoñible e os acordos que se adoptan son os seguintes:

Primeiro.- Prestar aprobación inicial o texto que figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- O texto da ordenanza que se aproba inicialmente, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 6.º.-Cota tributaria.

A cota tributaria desta taxa será a resultante de aplicar as seguintes tarifas:

1. Venda ambulante de calquera tipo, postos, barracas, casetas de venda, carpas e casetas expositivas ou conmemorativas de actas sociais, industrias na rúa:

- Por cada m² ou fracción e día: 0,35 euros.

2. Espectáculos e atraccións ou recreo, rodaxe cinematográfica:

-Por cada m² ou fracción e día: 0,11 euros.

Punto décimo sétimo.- Aprobación inicial da modificación da Ordenanza fiscal reguladora da taxa por ocupación de terreos de uso público con mesas, cadeiras, tribunas, taboados e outros elementos análogos, con finalidade lucrativa.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na conxelación da taxa.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda, dado que a modificación que se propoñía e que foi ditaminada afectaba tan só a contía da taxa, coa aprobación da enmenda, non se produce ningunha modificación na ordenanza fiscal reguladora da taxa por ocupación de terreos de uso público con mesas, cadeiras, tribunas, taboados e outros elementos análogos, con finalidade lucrativa.

Punto décimo oitavo.- Aprobación inicial da modificación da Ordenanza fiscal reguladora da taxa por licenzas de autotaxi e demais vehículos de alugueiro.

Intervén o señor alcalde don Carlos A. Fernández Castro para dicir que neste punto existe unha enmenda presentada polo grupo municipal do BNG que consiste na conxelación da taxa manténdose o resto das modificacións propostas na ordenanza que non teñen repercusión económica

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda os acordos que se adoptan os seguintes:

Primeiro.- Prestar aprobación inicial á modificación da Ordenanza fiscal reguladora da taxa por licenzas de autotaxi e demais vehículos de alugueiro, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 7. Deveg.

Devengase a taxa e nace a obriga de contribuir no momento de solicita-la prestación dos servizos suxeitos a gravame.

Artigo 8. Declaración de ingreso e normas de xestión.

1. A realización de actividades e a prestación de servizos obxecto desta taxa levaráanse a cabo a instancia de parte, previa solicitude presentada no rexistro xeral acompañada do xustificante de autoliquidación e ingreso da taxa regulada nesta ordenanza.

2. O Departamento de Servizos Básicos emitirá o informe que xustifique a concesión ou denegación da licenza ou autorización correspondente e procederá á notificación da resolución ó interesado.

Só nos supostos de resolución denegatoria da concesión de nova licenza ou transmisión da existente, procederá a devolución do ingreso efectuado.

Punto décimo noveno.- Aprobación inicial da Ordenanza fiscal reguladora da taxa pola prestación de servizos complementarios educativos e de conciliación da vida familiar e laboral.

Rematadas as intervencións o pleno da corporación por maioría absoluta, cos votos a favor dos 9 membros do grupo municipal socialista e dos 5 membros do grupo municipal do BNG e a abstención dos 7 membros do grupo municipal popular, adopta os seguintes acordos:

Primeiro.- Prestar aprobación inicial da Ordenanza fiscal reguladora da taxa pola prestación de servizos complementarios educativos e de conciliación da vida familiar e laboral, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

ARTIGO 1º. FUNDAMENTO LEGAL

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, reguladora das bases de réxime local, e de conformidade co disposto nos artigos 15 a 19, en relación co artigo 20 do Real Decreto 2/2004, de 5 de marzo, polo que se aproba o texto refundido da lei reguladora das facendas locais, o Concello de Ames establece a taxa pola prestación de servizos complementarios educativos incluídos nos programas “Comedores Escolares”, “Bos Días Cole”, “Tardes Divertidas”, “Lúdicos” e “Escolas de Verán”.

ARTIGO 2.- FEITO IMPOÑIBLE

1. Constitúe o feito imponible da taxa a prestación dos servizos establecidos nos seguintes programas:

1.“Comedores Escolares”, que conta cun regulamento de funcionamento aprobado polo Pleno do Concello de Ames. O servizo denomínase “Rede Municipal de Comedores Escolares”, que se define como un servizo público que pretende facilitar aos cidadáns de Ames a conciliación da vida laboral e familiar, no eido dun proxecto educativo no que alumnado poida aprender hábitos alimenticios sans e un correcto comportamento na mesa, así como as normas básicas de hixiene, respecto, tolerancia, convivencia e educación en igualdade.

2. “Bos Días Cole”, que conta con regulamento de funcionamento aprobado polo Pleno do Concello de Ames. O servizo “Bos Días Cole”, ten dous obxectivos xerais:

1.Facilitar a cidadanía de Ames a conciliación da vida persoal, laboral e familiar, atendendo ao alumnado contando con profesionais especializados.

2.Contribuír á educación en hábitos alimenticios sans así como as normas básicas de hixiene, respecto, tolerancia, convivencia e educación en igualdade.

3.“Tardes Divertidas”, que conta con regulamento de funcionamento aprobado polo Pleno do Concello de Ames. O servizo “Tardes Divertidas”, ten dous obxectivos xerais:

1.Facilitar a cidadanía de Ames a conciliación da vida persoal, laboral e familiar, atendendo ao alumnado contando con profesionais especializados.

2.Contribuír á educación e á ocupación do tempo libre dende o respecto, tolerancia, convivencia e educación en igualdade.

4.“Programas Lúdicos”, dirixidos a nenos/as de 3 a 13 anos de idade, e se desenvolven nas vacacións escolares de setembro, Nadal, primavera e xuño, contribuíndo á educación e á ocupación do tempo libre. Conta cunhas bases de funcionamento elaboradas dende a Concellería de Educación.

5.“Escolas de Verán”, que comprende unha serie de actividades de lecer dirixidos á nenos/as a desenvolver nos meses de xullo e agosto. Conta cunhas bases de funcionamento elaboradas pola Concellería de Educación.

ARTIGO 3.- SUXEITOS PASIVOS

Son suxeitos pasivos da taxa, en concepto de contribuíntes, as persoas que resulten beneficiadas ou afectadas pola actividade administrativa ou servizo que constitúe o feito imponible desta taxa.

Tendo en conta que os/as usuarios/as do servizo gravado por esta taxa son menores de idade e que, polo tanto, non teñen capacidade de obrar, actuarán no seu nome, cos efectos previstos na Lei Xeral Tributaria, os seus pais, nais, titores ou calquera outro representante legal.

ARTIGO 4.- RESPONSABLES.

Responderán solidariamente das obrigas tributarias do suxeito pasivo as persoas físicas ou xurídicas que son causantes ou colaboran na realización dunha infracción tributaria.

ARTIGO 5.- COTA TRIBUTARIA.

De acordo coas frecuencias de utilización do servizo, distínguense as seguintes contías da taxa:

5.1. Servizo de Comedores Escolares.

Matrícula: 10,00 € alumno/a, para a formalización da matrícula.

	Frecuencia	Cota
Usuarios fixos		
	1 día/semana	20,00 €/mes
	2 días/semana	40,00 €/mes
	3 días/semana	60,00 €/mes
	4 días/semana	70,00 €/mes
	5 días/semana	70,00 €/mes
Usuarios ocasionais (cota base/día)		5,00 €

5.2. Programa Bos Días Cole

	Frecuencia	Gardería	Gardería + almorzo
Usuarios fixos			
	1 día/semana	8,00 €/mes	10,00 €/mes
	2 días/semana	16,00 €/mes	20,00 €/mes
	3 días/semana	24,00 €/mes	30,00 €/mes
	4 días/semana	30,00 €/mes	40,00 €/mes
	5 días/semana	30,00 €/mes	40,00 €/mes
Usuarios ocasionais (cota base/día)		2,00 €	2,50 €

5.3. Programa Tardes Divertidas

	Frecuencia	Básico	Básico + merenda
Usuarios fixos			
	1 día/semana	12,00 €/mes	15,00 €/mes
	2 días/semana	24,00 €/mes	30,00 €/mes
	3 días/semana	36,00 €/mes	45,00 €/mes
	4 días/semana	50,00 €/mes	65,00 €/mes
	5 días/semana	50,00 €/mes	65,00 €/mes
Usuarios ocasionais (cota base/día)		3,50 €	3,50 €

5.4. Programas Lúdicos

Horario	Completo por día	Por día solto
9:00 – 14:30	2,00 €/día	2,50 €/día
9:00 – 16:00 *	7,50 €/día	8,50 €/día
7:30 – 14:30	4,00 €/día con almorzo	5,00 €/día con almorzo
	3,50 €/día sen almorzo	4,50 €/día sen almorzo
7:30 – 16:00*	9,50 €/día con almorzo	11,00 €/día sen almorzo
	9,00 €/día sen almorzo	10,50 €/día sen almorzo

•Nos tramos horarios de 9:00 – 16:00 h. e de 7:30-16:00 h. inclúese o xantar.

5.5. Escola de Verán

Frecuencia	Usuario e tipo servizo	1 MES	2 MESES	QUINCENA
9:00 – 14:30	Básico	75,00 €	120,00 €	50,00 €

7:30 – 14:30	Básico sen almuerzo	95,00 €	160,00 €	60,00 €
	Básico con almuerzo	105,00 €	180,00 €	65,00 €
09:00 – 16:00*	Básico	145,00 €	260,00 €	85,00 €
7:30 – 16:00*	Básico sen almuerzo	165,00 €	300,00 €	95,00 €
	Básico con almuerzo	175,00 €	320,00 €	100,00 €

Frecuencia	Por día solto
9:00 – 14:30	2,50 €/día
9:00 – 16:00 *	8,50 €/día
7:30 – 14:30	5,00 €/día con almuerzo
	4,50 €/día sen almuerzo
7:30 – 16:00*	11,00 €/día sen almuerzo
	10,50 €/día sen almuerzo

* Nos tramos horarios de 9:00 – 16:00 h. e de 7:30-16:00 h. inclúese o xantar.

5.6. Normas sobre a imputación das cotas.

5.6.1. Todos os usuarios/as fixos/as deberán acollerse a unha contía da taxa fixa mensual de acordo coas frecuencias de utilización do servizo e segundo se especifica nos cadros de cada servizo.

5.6.2. Para utilizacións de servizos que non correspondan coas frecuencias recollidas no cadro correspondente e sempre que o concello o permita, seralle de aplicación unha contía de taxa fixa mensual de acordo coa cota base por día.

5.6.3. No caso de que a alta nos servizos “Rede Municipal de Comedores Escolares”, “Bos Días Cole”, e “Tardes Divertidas” teña lugar con posterioridade ao día 15 do mes, a primeira cota será a que corresponda de acordo coa cota base por día.

5.6.4. En caso de que a baixa nos servizos “Rede Municipal de Comedores Escolares”, “Bos Días Cole”, e “Tardes Divertidas” teña lugar con anterioridade ao día 15 inclusive, a última cota será a que corresponda de acordo coa cota base por día.

ARTIGO 6.- DEVENGO.

O período impositivo coincide co mes natural. A obriga de pagamento crease no primeiro día do período impositivo agás nos casos das altas e nas matrículas. Nos casos de alta, a obriga crease no momento en que se inicie a prestación do servizo. Nos casos da matrícula, a obriga de pagamento prodúcese no momento de efectuar este proceso.

Para os/as usuarios/as ocasionais, a obriga de pagamento nace cando se produza a solicitude de utilización do servizo. De non haber prazas, procederase á devolución do ingreso. A obriga de pagamento dos/as usuarios/as fixos/as desaparece coa baixa no servizo.

ARTIGO 7.- BENEFICIOS FISCAIS.

A solicitude de bonificación de taxas deberá facerse por escrito no momento de presentar a solicitude do servizo (matrícula ou preinscrición, segundo o programa), agás cambios que se produzan con posterioridade

No caso de solicitudes posteriores de bonificacións de taxas que sexan admitidas e tramitadas polo concello e de resolverse favorablemente, a bonificación terá efectos a partir da data da solicitude de bonificación.

Darán dereito a **bonificación total** nas taxas:

1) Casos de emerxencia social acreditados polos servizos sociais do Concello de Ames, tendo en conta o previsto no artigo 11.7 da Ordenanza Fiscal Xeral de xestión, recadación e inspección dos tributos e doutros ingresos de dereito público do Concello de Ames.

2) Unidades familiares cunha renda per cápita igual ou inferior ao 25% do IPREM anual*. (*) *IPREM anual: Indicador público de renda de efectos múltiples. Terase en conta o IPREM anual do exercicio ao que corresponda a declaración do IRPF.*

Darán dereito a unha **bonificación do 50%** nas taxas:

- Familia numerosa de categoría especial, segundo a súa definición contemplada na Lei 40/2003, de 18 de novembro, de protección ás familias numerosas.
- Unidades familiares cunha renda per cápita igual ou inferior ao 50% do IPREM anual. (*) *IPREM anual: Indicador público de renda de efectos múltiples. Terase en conta o IPREM anual do exercicio ao que corresponda a declaración do IRPF*

Darán dereito a unha **bonificación do 20%** nas taxas:

- Familia numerosa de categoría xeral, segundo a súa definición contemplada na Lei 40/2003, de 18 de novembro, de protección ás familias numerosas.

As anteriores bonificacións non son acumulables, de xeito que os usuarios/as tan só poderán acollerse a aquela que lles resulta máis beneficiosa.

Estes beneficios fiscais non serán de aplicación na cota a ingresar pola formalización da matrícula, que en todo caso será a sinalado no artigo quinto desta ordenanza.

Para a determinación dos conceptos de unidade familiar e das rendas computables, estarase ao disposto no artigo 11.5 da Ordenanza Fiscal Xeral de xestión, recadación e inspección dos tributos e doutros ingresos de dereito público do Concello de Ames.

Documentación a achegar para acceder aos beneficios fiscais.

As persoas que desecan acollerse ás exencións recollidas nos anteriores apartados deberán achegar xunto coa correspondente solicitude a documentación que a continuación se relaciona:

1.Familia numerosa: Copia cotexada do libro de familia e título acreditativo de familia numerosa

2.Unidades familiares cunha renda per cápita inferior ao 50% do IPREM anual: fotocopia das declaracións do IRPF do exercicio anterior e todos os membros maiores de idade que compoñan a unidade familiar. No caso de que calquera dos integrantes da familia non formulasen declaración de IRPF, deberá presentarse certificado de retencións expedidos pola empresa ou copias compulsadas das nóminas, e subsidiariamente, declaración xurada de ingresos presentada polo membro computable da unidade familiar, sen prexuízo de achegarse ou autorizar a certificación correspondente da AEAT.

3.Nos supostos de separación, divorcio ou ruptura do vínculo non matrimonial, copia da sentenza xudicial que determine a mesma, baixa no correspondente rexistro de parellas de feito e convenio regulador onde conste a custodia do menor.

4.Informe de servizos sociais para o caso de solicitar a bonificación total por situación de emerxencia social, tendo en conta o previsto no artigo 11.7 da Ordenanza Fiscal Xeral de xestión, recadación e inspección dos tributos e doutros ingresos de dereito público do Concello de Ames.

Poderá esixirse en calquera momento a ampliación da documentación acreditativa das diferentes circunstancias que puntúan no baremo de exención das taxas.

A omisión, falsidade dos datos o dos documentos achegados serán causa de denegación, con independencia da incoación do correspondente expediente sancionador.

ARTIGO 8.- NORMAS DE XESTIÓN E INGRESO.

Asistencias continuadas.

O pai/nai ou titor/a do/a usuario/a fixo/a poderá escoller libremente entre dúas modalidades de pagamento:

oAboamento en conta: deberá ingresar, na primeira quincena de cada mes, o importe correspondente ao mes inmediatamente anterior, nunha conta bancaria do Concello para tal fin. Debe remitirse ao Concello o resgardo do devandito pagamento (poderá entregarse nas oficinas municipais, ou enviarse por fax ou por correo electrónico. No momento de efectuar o ingreso bancario, deberá especificarse o nome e apelidos do neno/a; a denominación do programa (exemplo, Comedores Escolares, Bos Días Cole), e o mes que se está a pagar.

oDomiciliación bancaria: o Concello, na primeira quincena de cada mes, pasará á conta bancaria que o pai, nai ou titor/a do/a usuario/a lle facilite ou autorice, o recibo correspondente o mes inmediatamente anterior.

A partir do curso 2011-2012, a única forma de pagamento para os usuarios fixos ou asistencia continuadas será a través de domiciliación bancaria (modalidade b), de xeito que a solicitude de prestación do servizo suporá a orde irrevogable de domiciliación bancaria dos sucesivos recibos mensuais que se presenten ao cobramento ata a baixa no servizo, e se autorizará coa sinatura do solicitante simultaneamente co proceso de solicitude de presentación. A devolución de dúas cotas mensuais consecutivas ou tres alternas determinará a interrupción do servizo. Como consecuencia da alta, o suxeito pasivo darase por notificado das sucesivas liquidacións que se practiquen coas bases que se acorden.

Asistencias ocasionais.

O pai/nai ou titor/a do/a usuario/a ocasional do servizo, deberán adquirir nas entidades financeiras sinaladas polo Concello o número de bonos individuais correspondentes, de acordo co previsto no artigo 5 da presente ordenanza.

Os usuarios ocasionais virán obrigados a entregar ao responsable municipal do servizo un bono por cada día que fagan uso deste.

Tanto nos supostos de usuarios fixos como de usuarios ocasionais, as cantidades aboadas soamente serán devoltas cando non se poda utilizar o servizo por causa de forza maior non imputable ao interesado. Estas causas deberán ser debidamente xustificadas na solicitude de devolución que se formule, debendo achegar a esta os documentos xustificativos que en cada caso correspondan. Fóra destes casos, non se efectuarán devolucións das cantidades aboadas.

DISPOSICIÓN DERROGATORIA.

Á presente ordenanza derroga expresamente as seguintes normas municipais:

1.Regulamento de funcionamento do Servizo Bos Días Cole de Bertamiráns, do Concello de Ames.

2.Ordenanza Fiscal reguladora da taxa pola prestación do servizo de comedor na Rede Municipal de Comedores do Concello de Ames.

3.Regulamento de Funcionamento do Servizo “Bos Días Cole” de Ventín, do Concello de Ames.

Igualmente, derróganse cantas disposicións se recollan nas bases aprobadas de funcionamento dos programas lúdicos e escolas de verán que contradigan o disposto na presente ordenanza.

DISPOSICIÓN FINAL

A presente ordenanza fiscal foi aprobada polo Pleno da Corporación, e entrará en vigor unha vez se produza a publicación do seu texto no Boletín Oficial da Provincia. A presente ordenanza permanecerá vixente en tanto non se acorde a súa modificación ou derogación expresa. O texto íntegro da nova ordenanza, ou da ordenanza modificada, será obxecto de publicación no Boletín Oficial da Provincia.

Punto vixésimo.- Aprobación inicial da Ordenanza fiscal reguladora da taxa por actos de utilización privativa ou aproveitamento especial do dominio público local derivados da execución de obras.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial á Ordenanza fiscal reguladora da taxa por actos de utilización privativa ou aproveitamento especial do dominio público local derivados da execución de obras, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

ARTIGO 1.- FEITO IMPOÑIBLE

Constitúen feito impoñible desta taxa os seguintes aproveitamentos especiais ou utilizacións privativas da vía pública e terreos de dominio público local no seu solo, subsolo e voo que a continuación se relacionan:

- a. Apertura de zanxas, calicatas e calas en terreos de uso público local, inclusive estradas, camiños e demais vías públicas locais, para a instalación e reparación de cañerías, conduccións e outras instalacións, así como calquera remoción de pavimento ou beirarrúas na vía pública.
- b. Ocupación de terreos de uso público local con puntais, asnillas e outros elementos de apeo dos edificios.
- c. Ocupación de terreos de uso público local con colectores e sacos para recollida ou depósito de entullos, materiais de construción ou residuos, valados, andamios, entullos, areas, camiós bombeadores de formigón e outros.

ARTIGO 2.- SUXEITOS PASIVOS

Son suxeitos pasivos das taxas reguladas nesta ordenanza, en concepto de contribuíntes as persoas físicas e xurídicas así como as entidades a que se refire o artigo 35.4 da Lei 58/2003 de 17 de decembro, Xeral Tributaria quen disfruten, utilicen ou aproveiten especialmente o dominio público local.

ARTIGO 3.- EXENCIONES E BONIFICACIONES

O Estado, as Comunidades Autónomas e as Entidades Locais non estarán obrigadas o pagamento das taxas reguladas nesta ordenanza, referidas a aproveitamentos inherentes ós servicios públicos de comunicacións que exploten directamente e por todos os que inmediatamente interesen a seguridade cidadá ou a defensa nacional.

ARTIGO 4.- COTAS

1. As cotas tributarias relativas ás taxas reguladas nesta Ordenanza calcularanse aplicando as seguintes tarifas:

Epígrafe A) Calicatas e zanxas e calquera remoción do pavimento e beirarrúas, previstos no apartado a) do artigo 1 desta ordenanza:

Por m2 ou fracción.

Día	Mes
0,80 €	8,00 €

Epígrafe B) Puntais, asnillas e outros elementos de apeo dos edificios.

Por m2 ou fracción

Día	Mes
0,30 €	2,95 €

Epígrafe C) Colectores e sacos para recollida ou depósito de entullos, materiais de construción ou residuos, valados, andamios, entullos, areas, camiós bombeadores de formigón e outros.

Por m2 ou fracción.

Día	Mes
0,35 €	3,60 €

2. Cando o tempo de aproveitamento sexa superior a seis meses, as cotas incrementaranse nun 30%.

3. Cando as actuacións leven aparelada a instalación de publicidade, excluindo o cartel, de medidas normais, da empresa que realiza a obra, e colocadas na vía pública, incrementase a cota nun 30%.

4. Con carácter mínimo, e cando pola aplicación das cotas, non se acade dito importe, esixirase unha contía de 30,00 euros.

ARTIGO 5.- DEVENGO.

As taxas reguladas na presente ordenanza devengaranse no momento en que se inicie o aproveitamento especial,

ARTIGO 6.- NORMAS SOBRE INGRESO

No momento da presentación de solicitudes de licencias para aproveitamentos con unha duración determinada, os suxeitos pasivos ingresarán polo procedemento de autoliquidación o importe das taxas resultantes.

ARTIGO 7.- NORMAS DE XESTIÓN

1. Para poder disfrutar dos aproveitamentos especiais e utilizacións privativas de vía pública, os interesados deberán solicita-la oportuna licencia. No caso de que os lugares susceptibles de aproveitamento especial ou utilización privativa fosen limitados, poderán concederse as licencias mediante subasta pública conforme ó Prego de Condicións que oportunamente se aprobe. Servirán de tipo inicial de licitación os prezos que figuran no artigo 4 deste texto.

2. En todo caso estes aproveitamentos axustaranse ó disposto no Regulamento de Bens das Entidades Locais aprobado por Real Decreto 1372/86.

3. As solicitudes contarán en todo caso cos seguintes datos: nome, apelidos e D.N.I. ou razón social e C.I.F. do solicitante, domicilio fiscal, situación e duración do aproveitamento.

4. Os servizos técnicos deste Concello comprobarán e investigarán as declaracións formuladas polos interesados concedéndose as licencias de non atopar diferencias coas peticións e conforme ás normas vixentes no Concello en relación ó tráfico, limpeza, non obstaculizar calzada e beirarrúas, seguridade e outras. Se se vesen diferencias coas declaracións, notificaranse ós interesados e xiraranse, no seu caso, as liquidacións complementarias con aplicación de intereses de demora e a sanción correspondente.

5. En caso de denegarse as autorizacións, procederá a devolución dos importes ingresados.

6. Non poderá disfrutarse dun aproveitamento da vía pública ata que fose ingresado o importe das taxas e fose outorgada a correspondente licencia.

7. Entenderase autorizada a ocupación polo tempo que figure na licenza. A solicitude de prórroga dos prazos inicialmente concedidos tramitaranse como unha nova licenza.

8. Cando por motivo das actuacións feitas reguladas por esta Ordenanza se produza a destrución ou estrago do dominio público local, os titulares das licenzas ou os obrigados ao pagamento, sen prexuízo do abono da taxa a que procedese, virán obrigados á reparación do dano causado, deixando en perfecto estado o dominio público empregado. Para tal efecto terá que presentar, antes do inicio da actividade, as garantías necesarias e suficientes, e como mínimo, un importe de 60,10 € por cada m2 de aproveitamento.

ARTIGO 8.- INFRACCIÓNS E SANCIÓNS

No relativo a infraccións tributarias desta ordenanza, así como as súas cualificacións e sancións, estarase ó disposto na Ordenanza Fiscal Xeral do Concello, Lei 58/2003 de 17 de decembro, Xeral Tributaria, e restante normativa de aplicación.

DISPOSICIÓNS FINAIS

1ª. No non previsto nesta Ordenanza será de aplicación a Ordenanza Fiscal Xeral do Concello, Lei 58/2003 Xeral Tributaria e restante normativa de aplicación.

2ª. Esta Ordenanza entrará en vigor o día seguinte da súa publicación no Boletín Oficial da Provincia, e comezará a aplicarse o 1 de xaneiro do ano 2011, permanecendo vixente en tanto non se acorde a súa modificación ou derogación expresa.

Punto vixésimo primeiro.- Aprobación inicial da Ordenanza fiscal reguladora da taxa polo aproveitamento especial do dominio público local con ocasión da celebración de matrimonios civís.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial á Ordenanza fiscal reguladora da taxa polo aproveitamento especial do dominio público local con ocasión da celebración de matrimonios civís, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 1º. Fundamento e natureza

De conformidade co previsto no artigo 106 da Lei 7/85 de 2 de abril reguladora das bases de réximen local e, de conformidade cos artigos 15, 20.4 e 57, todos eles do Real Decreto Lexislativo 2/2004, de 5 de marzo, polo que se aproba o texto refundido da Lei reguladora das Facendas Locais, este Concello establece a Taxa por aproveitamento especial do dominio público local con ocasión da celebración de matrimonios civís autorizados polo Alcalde ou concelleiro da Corporación en quen delegue, que se rexerá pola presente Ordenanza.

Artigo 2º. Feito imponible

Constitúe feito imponible o aproveitamento especial do dominio público local con ocasión da celebración de matrimonios civís autorizados polo Alcalde ou concelleiro da Corporación en quen delegue.

Artigo 3º. Suxeito pasivo

E suxeito pasivo do tributo en calidade de contribuínte o/a beneficiario/a do servizo entendéndose por tal o/a contraente que formule a solicitude do servizo.

Artigo 4º. Devengo

O tributo devengarase e nace a obriga de contribuir, no momento da presentación da solicitude nas oficinas do Concello.

Artigo 5º. Obrigados ó pago

Están obrigados ó pago da taxa nesta Ordenanza os beneficiarios/as do servizo, entendéndose por tales os/as contraentes.

Artigo 6º. Contía

A cota tributaria, que se abonará no momento da solicitude, será polo importe de **80,00 €**.

Artigo 7º. Normas de xestión.

Os solicitantes do servizo están obrigados a presentar a correspondente declaración nos impresos habilitados ó efecto pola Administración Tributaria Local e a realizar o ingreso da autoliquidación resultante na Caixa de Recadación ou nas Entidades bancarias debidamente autorizadas, o que se deberá acreditar no momento de presentar a correspondente solicitude.

ARTIGO 8.- Infraccións e sancións.

No relativo a infraccións tributarias desta ordenanza, así como as súas cualificacións e sancións, estarase ó disposto na Ordenanza Fiscal Xeral do Concello, Lei 58/2003 de 17 de decembro, Xeral Tributaria, e restante normativa de aplicación.

Disposicións finais.

1ª. No non previsto nesta Ordenanza será de aplicación a Ordenanza Fiscal Xeral do Concello, Lei 58/2003 Xeral Tributaria e restante normativa de aplicación.

2ª. Esta Ordenanza entrará en vigor o día seguinte da súa publicación no Boletín Oficial da Provincia, e comezará a aplicarse o 1 de xaneiro do ano 2011, permanecendo vixente en tanto non se acorde a súa modificación ou derogación expresa.

Punto vixésimo segundo.- Aprobación inicial da modificación da Ordenanza reguladora do prezo público pola utilización do complexo da piscina cuberta municipal de Ames.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial da modificación da Ordenanza fiscal reguladora do prezo público pola utilización do complexo da piscina cuberta municipal de Ames, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Anexo.

TARIFAS.

A. - COTA DE ENTRADA: (MATRÍCULA): 21,83 euros

B. - ABONADOS

Abonado individual con servizo deportivo: 21,83 euros

Abonado familiar (indep. nº de fillos): 27,14 euros

Abonado terceira idade e colectivos desfavorecidos.: 16,32 euros

Abonado colectivo desfavorecido familiar: 19,62 euros

Abonado terceira idade familiar: 16,32 euros

Menores de 18 anos: 16,32 euros

Abonados entre 18 e 24 anos que convivan ca unidade familiar: 9,81 euros.

C.- NON ABONADOS

Entrada ADULTO piscina, ximnasio (sen límite de tempo/día): 3,80 euros

Entrada MENORES de idade piscina, ximnasio, (sen límite de tempo/d'a): 2,70 euros

D.-CURSOS

1.- CURSOS DE NATACIÓN

- Tarifa mensual do curso por cada día á semana: 10,91 euros

Cursos do PROGRAMA NATACIÓN ESCOLAR: 6,51 euros

2.- CURSOS DE NATACIÓN BEBÉS:

- Tarifa mensual do curso por cada día á semana: 10,91 euros

3.- CURSOS DE NATACIÓN TERCEIRA IDADE E DISCAPACIDADES

- Tarifa mensual do curso por cada día á semana: 9,81 euros

4-CURSOS DE XIMNASIO: AEROBIC, XIM. MANTEMENTO,

- Tarifa mensual do curso por cada día á semana: 10,86 euros

Nestes cursos o usuario elixe o numero de días á semana que quere realizar.

Dentro da oferta terán a opción de 1, 2, 3 días ou cursos intensivos.

5.- CURSOS PREPARACIÓN AO PARTO

- Tarifa mensual do curso por cada día á semana: GRATUÍTO

6.-CURSO DE PREPARACIÓN FÍSICA:

- (opositores, persoal training,...): 32,56 euros

7. -OUTRAS ACTIVIDADES

- REHABILITACIÓN (Sesión): 21,54 euros

- REVISIÓN MÉDICA: 27,05 euros

- MASAXE: 16,32 euros
- MASAXE RÁPIDO (sesión de 15 minutos): 10,91 euros
- XORNADA ACUÁTICA OU FESTIVA: 5,41 euros
- ALUGUER DE RÚA PISCINA (45 minutos): 21,74 euros
- SEGURO PERSOAL ASISTENCIA SANITARIA (seguro/ano): 21,74 euros
- SERVIZO DE GARDARROUPA (Custodia de obxectos de valor): 0,20 euros

E- COTA DE MANTEMENTO

-COTA DE MANTEMENTO. - 9,81 EUROS

Punto vixésimo terceiro.- Aprobación inicial da modificación da Ordenanza reguladora do prezo público polos servizos culturais e deportivos.

Rematadas as intervencións o pleno da corporación por unanimidade, adopta os seguintes acordos:

Primeiro.- Prestar aprobación inicial da modificación da Ordenanza fiscal reguladora do prezo público polos servizos culturais e deportivos, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza fiscal, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

4.2. Cursos e obradoiros organizados polo Concello:

O prezo será fixado pola Xunta de Goberno Local, de xeito que, polo número dos solicitantes, se cubra o custo total da actividade, segundo o estudo de custos presentado polo Departamento de Cultura na súa proposta, correspondendo á Xunta de Goberno Local a aprobación individualizada de cada prezo á vista da proposta presentada. Porén, cando existan razóns sociais, benéficas, culturais ou de interese público que así o aconsellen, debidamente acreditadas mediante informe técnico dos servizos correspondentes, a Xunta de Goberno Local poderá fixar un prezo que non cubra o custo do mesmo, sempre que nos orzamentos exista consignación orzamentaria para a cobertura da diferenza existente.

Con independencia do anterior, consideranse razóns sociais que lexitiman a aplicación dun desconto nas tarifas correspondentes, sempre que exista consignación orzamentaria para cubrir a diferenza, as seguintes:

- O segundo membro da unidade familiar menor de 18 anos pagará o 50 por cento do primeiro.
- O terceiro e restantes membros da unidade familiar menores de 18 anos pagarán o 25 por cento do primeiro.

4.3. Viaxes organizados polo Concello, campamentos fóra do termo municipal:

O prezo será fixado pola Xunta de Goberno Local, de xeito que, polo número dos solicitantes, se cubra o custo total da actividade, segundo o estudo de custos presentado polo Departamento correspondente (Cultura, Medio Ambiente, Mocidade, Servizos Sociais) na súa proposta, correspondendo á Xunta de Goberno Local a aprobación individualizada de cada prezo á vista da proposta presentada. Porén, cando existan razóns sociais, benéficas, culturais ou de interese público que así o aconsellen, debidamente acreditadas mediante informe técnico dos servizos correspondentes, a Xunta de Goberno Local poderá fixar un prezo que non cubra o custo do mesmo, sempre que nos orzamentos exista consignación orzamentaria para a cobertura da diferenza existente.

Con independencia do anterior, consideranse razóns sociais que lexitiman a aplicación dun desconto nas tarifas correspondentes, sempre que exista consignación orzamentaria para cubrir a diferenza, as seguintes:

- O segundo membro da unidade familiar menor de 18 anos pagará o 50 por cento do primeiro.
- O terceiro e restantes membros da unidade familiar menores de 18 anos pagarán o 25 por cento do primeiro.

Artigo 5:

7. As cantidades aboadas soamente serán devoltas cando non se poda utilizar o servizo por causa de forza maior non imputable ao interesado. Estas causas deberán ser debidamente xustificadas na solicitude de devolución que se formule, debendo achegar a esta os documentos xustificativos que en cada caso correspondan. Fóra destes casos, non se efectuarán devolucións das cantidades aboadas.

Punto vixésimo cuarto.- Aprobación inicial da modificación da Ordenanza reguladora do prezo público pola utilización das instalacións deportivas e culturais de propiedade municipal.

Intervén o señor alcalde don Carlos A. Fernández Castro para dicir que neste punto existe unha enmenda presentada polo grupo municipal do BNG que consiste na conxelación do prezo público manténdose o resto das modificacións propostas na ordenanza que non teñen repercusión económica.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda os acordos que se adoptan os seguintes:

Primeiro.- Prestar aprobación inicial á modificación da Ordenanza reguladora do prezo público pola utilización das instalacións deportivas e culturais de propiedade municipal, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A modificación da presente ordenanza reguladora, unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

4.1. Pavillóns polideportivos de Bertamiráns e O Milladoiro.

- a) Cando o solicitante non cobre entrada a tarifa será de 9,66 euros por hora ou fracción se non se emprega luz e de 13,95 euros por hora ou fracción se se emprega luz.
- b) Cando o solicitante cobre entrada a terceiros: a tarifa será de 16,10 euros por hora ou fracción se non se emprega luz e de 21,46 euros por hora ou fracción se se emprega luz.
- c) Cando a utilización sexa para actos extradeportivos a tarifa será de 32,19 euros por hora ou fracción se non se emprega luz e de 37,56 euros por hora ou fracción se se emprega luz.

4.2. Campo municipais de deportes.

- a) Actividades deportivas a tarifa será por hora ou fracción de 64,38 euros.
- b) Actividades extradeportivas, a tarifa será de 96,57 euros por hora ou fracción.

4.3. Salón de actos dos centros socioculturais de Bertamiráns (incluído o Pazo da Peregrina) e O Milladoiro.

- a) Cando o solicitante non cobre entrada, a tarifa será por hora ou fracción de 10,73 euros.
- b) Cando o solicitante cobre entrada a tarifa será por hora ou fracción de 53,65 euros.
- c) Actividades extraculturais a tarifa será de 96,57 euros por hora ou fracción.

4.4. Aulas dos centros socioculturais de Bertamiráns (incluído o Pazo da Peregrina) e O Milladoiro

- a) Cando o solicitante non cobre entrada, a tarifa será por hora ou fracción de 10,73 euros.
- b) Cando o solicitante cobre entrada a tarifa será por hora ou fracción de 53,65 euros.
- c) Actividades extraculturais, a tarifa será de 64,38 euros por hora ou fracción.

4.5. Locais sociais de titularidade municipal situados nas diferentes parroquias do Concello:

- a) Cando o solicitante non cobre entrada a tarifa será de 10,73 euros por hora ou fracción.
- b) Cando o solicitante cobre entrada a tarifa será de 53,65 euros por hora ou fracción.
- c) Cando a solicitude sexa para actividades extradeportivas ou extraculturais a tarifa será de 64,38 euros por hora ou fracción.

“5.5. O solicitante do servizo practicará a autoliquidación consonte ás tarifas establecidas no artigo 4, e o ingreso farase en calquera das entidades bancarias nas que o Concello teña conta aberta, unha vez sexa autorizada a utilización das correspondentes instalacións.”

Punto vixésimo quinto.- Aprobación inicial da modificación da Ordenanza reguladora do prezo público pola prestación dos servizos da Escola Municipal de Música do Concello de Ames.

Rematadas as intervencións o pleno da corporación por maioría absoluta, cos votos a favor dos 9 membros do grupo municipal socialista e dos 5 membros do grupo municipal do BNG e a abstención dos 7 membros do grupo municipal popular, adopta os seguintes acordos:

Primeiro.- Prestar aprobación inicial da modificación da Ordenanza reguladora do prezo público pola prestación dos servizos da Escola Municipal de Música do Concello de Ames, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A aprobación inicial da modificación da Ordenanza reguladora , unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Artigo 6.

1. Están exentos do pagamento de matrícula os usuarios, calquera que sexa a súa idade, cando a unidade familiar a que pertencen teña uns ingresos inferiores ao IPREM vixente. Tamén están exentos do pagamento da matrícula os menores de 18 anos incluídos nalgunha das seguintes circunstancias:

- Que pertencen a familia numerosa
- Que sexan o terceiro ou posterior membro da unidade familiar que se matricula

2. Estarán bonificados, na matrícula e na cota mensual, os matriculados menores de 18 anos que pertencen a familias con ingresos anuais netos por membro da unidade familiar inferior a 3.160 euros. A bonificación consistirá na redución da matrícula a 25 euros, e na redución dun 20% da cota mensual. Para a determinación da renda computable e da unidade familiar, estarase ao disposto no artigo 11.5 da Ordenanza Fiscal Xeral de xestión, recadación e inspección dos tributos e doutros ingresos de dereito público do Concello de Ames.

3.As exencións e bonificacións previstas concederanse por pedimento do interesado. Este deberá achegar, xunto coa solicitude correspondente e no momento de efectuar a matrícula, a seguinte documentación:

- Libro de familia: copia compulsada das follas de todos os membros da unidade familiar
 - Se é o caso, copia compulsada do título de familia numerosa
- Se é o caso, certificación da axencia estatal de administración tributaria na que consten as rendas de todos os membros da unidade familiar.

Punto vixésimo sexto.- Aprobación inicial da modificación da Ordenanza reguladora do prezo público pola prestación do servizo de escolas infantís municipais do Concello de Ames.

Rematadas as intervencións o pleno da corporación por maioría absoluta, cos votos a favor dos 9 membros do grupo municipal socialista e dos 5 membros do grupo municipal do BNG e a abstención dos 7 membros do grupo municipal popular, adopta os seguintes acordos:

Primeiro.- Prestar aprobación inicial da modificación da Ordenanza reguladora do prezo público pola prestación do servizo de escolas infantís municipais do Concello de Ames, cuxo texto figura como anexo I deste acordo.

Segundo.- Someter dito acordo de aprobación inicial a exposición pública por prazo de 30 días hábiles mediante anuncio no BOP, páxina Web municipal, taboleiros de anuncios e nun dos diarios de maior circulación da provincia, a efectos de exame e reclamacións.

Para o suposto de non presentarse reclamacións, o acordo de aprobación inicial quedará elevado a definitivo de xeito automático.

Terceiro.- A aprobación inicial da modificación da Ordenanza reguladora , unha vez aprobada definitivamente e tras a súa publicación íntegra no Boletín Oficial na Provincia, entrará en vigor.

Anexo I

Disposición adicional:

Delégase na Xunta de Goberno Local, segundo os artigos 47 do Real decreto lexislativo 2/2004, de 5 de marzo, e 23.2 b) da lei 7/85, de 2 de abril, o establecemento da tarifa ou a actualización da mesma, a proposta do servizo técnico correspondente, co previo informe da intervención municipal. Terase en consideración as modificacións tarifarias que a Xunta de Galicia poida aplicar a súa propia rede de escolas infantís.

* Substituír nesta ordenanza toda referencia a gardería infantil por escola infantil.

Punto vixésimo sétimo.- Aprobación inicial da modificación da Ordenanza reguladora do prezo público pola prestación do servizo de talado e roza nas faixas de seguridade definidas no plan para a protección do espazo rural e dos asentamentos e poboación do Concello de Ames.

Intervén o señor alcalde don **Carlos A. Fernández Castro** para dicir que neste punto existe unha enmenda presentada polo grupo municipal do BNG que consiste na conxelación do prezo público.

Sometida a votación a enmenda presentada polo grupo municipal do BNG, é aprobada cos votos a favor dos 7 membros do grupo municipal popular e os 5 membros do grupo municipal do BNG e os votos en contra dos 9 membros do grupo municipal socialista.

Aprobada a enmenda, dado que a modificación que se propoñía e que foi ditaminada afectaba tan só a contía do prezo público, coa aprobación da enmenda, non se produce ningunha modificación na ordenanza reguladora do prezo público pola prestación do servizo de talado e roza nas faixas de seguridade definidas no plan para a protección do espazo rural e dos asentamentos e poboación do Concello de Ames.

Punto vinteito.- Adopción de acordo de personación do Concello no recurso contencioso – administrativo, procedemento abreviado 562/2010, sendo recorrentes os integrantes da Policía Local do Concello de Ames.

Intervén o señor alcalde don **Carlos A. Fernández Castro** para dicir que neste punto hai una proposta da alcaldía para personarse no recurso contencioso administrativo 562/2010 sendo recorrentes os membros da policía local que dí

O alcalde do Concello de Ames, que subscribe, ten a honra de elevar á consideración da Corporación a presente proposta:

Exposición de motivos:

A Lei 4/2007 de 20 de abril de Coordinación de Policía Local da Comunidade Autónoma de Galicia resulta de aplicación a todos os concellos galegos. Na súa disposición transitoria primeira establece que no prazo de tres anos dende a entrada en vigor desta Lei, os funcionarios dos corpos de Policía Local das escalas básica, executiva, técnica e superior entenderanse clasificados nos grupos C, B e A, sen que este feito poda supoñer necesariamente un incremento do gasto público nin modificación do cómputo anual das retribucións totais dos funcionarios desas escalas e categorías. Concretamente, o apartado catro establece que a clasificación dos funcionarios da Policía Local prevista nesta disposición levarase a efecto de modo que non supoña necesariamente incremento no cómputo conxunto das súas retribucións. Nestes casos percibirán o soldo base e os trienios correspondentes ao novo grupo de titulación, pero o exceso do grupo anterior deducirase das súas retribucións complementarias, preferentemente do concepto de produtividade, se o hai, referidas a catorce mensualidades ao cómputo anual, de forma que se perciban idénticas remuneracións globais respecto da situación anterior.

Polo tanto, esta Lei establece como obxectivo unha nova clasificación dos funcionarios da Policía Local, que non necesariamente ten que conlevar un aumento retributivo.

No caso do Concello de Ames, esta circunstancia é coherente co espírito que motivou a Relación de Postos de Traballo aprobada polo Pleno en xaneiro de 2007, que foi elaborada facendo unha valoración individual de cada posto de traballo, tratando de homoxeneizar e evitar agravios comparativos en materia de funcións e retribucións. Dado que o non aumento das retribucións se ten que facer mediante a detracción das retribucións complementarias, no caso deste concello, necesariamente se ten que facer con cargo ao complemento específico. Neste concello non están fixados por acordo plenario os criterios de reparto da produtividade, polo que a única opción de detracción é con cargo ao complemento específico.

Conforme a todo o anterior, no cadro de Persoal do Orzamento Municipal para o exercicio 2010, aprobado inicialmente en sesión plenaria o 29 de abril, vai recollida a nova clasificación dos policía locais, coa correspondente merma no complemento específico.

Así, esta alcaldía asina unha resolución con data 20 de maio de 2010 – Decreto N° 477/2010 – onde se resolve:

1º.- Proceder á clasificación dos/as funcionarios/as da Policía Local do Concello de Ames nas escalas e categorías que se especifican no Anexo I de dito decreto, con efectos de 24 de maio.

2º.- Iniciar os trámites para a modificación da RPT unha vez sexa aprobado definitivamente o orzamento municipal de 2010, a fin de reflexar as modificacións contidas neste decreto e que son consecuencia da entrada en vigor da Lei 4/2007 de 20 de abril de Coordinación de Policía Local.

3º.- Dar traslado aos interesados/as para o seu coñecemento e ao Servizo de RRHH e aos Servizos Económicos para que se leve a cabo a resolución adoptada.

Contra esta Resolución, o 10 de xuño foi interposto Recurso Potestativo de Reposición (N° Rexistro entrada 13.303), asinado polos vintecinco membros da Policía Local.

Na fase de exposición pública do orzamento presentáronse, entre outras, dúas alegacións, unha asinada pola representante do Sindicato Comarcal de CCOO, e

outra asinada por todos os membros da Policía Local, solicitando ambas que o complemento específico da policía non se diminúa.

Estas alegacións foron correspondentemente informadas pola Intervención Municipal (Informe Ref:Inter/mccl/128-10) indicando que procede a desestimación das mesmas.

Así, no pleno extraordinario celebrado o 14 de xuño de 2010 para a “Resolución das alegacións e aprobación definitiva do orzamento municipal 2010”, cos votos a favor Grupos Municipal Socialista e a abstención dos cinco membros do BNG, acórdase a desestimación de ditas alegacións.

Con data 1 de outubro de 2010, e número 20.908, ten entrada no rexistro unha demanda ante o Xulgado Contencioso Administrativo N° 1 de Santiago, asinada por todos os membros da Policía Local de Ames. Neste proceso deberá persoarse como demandado o concello ante o órgano xudicial.

Por todo o exposto, esta Alcaldía presenta a seguinte proposta de acordo:

1.Persoarse como parte demandada ante o órgano xudicial competente, no Recurso Contencioso Administrativo, Procedemento Abreviado 562/2010.

2.Que a defensa dos intereses municipais no presente recurso corersponda aos profesionais que figuran no poder outorgado ante o notario D. Manuel Mª Romero Neira o día 31 de decembro de 2003, baixo o número 1939 do seu protocolo.

3.Facultar ao Alcalde-Presidente para todo o relacionado coa tramitación e xestión do presente acordo.

Intervén polo grupo municipal popular don **Santiago Amor Barreiro** que saúda a todos os presentes e di substancialmente que con motivo de falar desta personación do concello neste contencioso administrativo que prantexa a policía local, que ten a súa orixe na aplicación da lei de coordinación de policía locais de Galicia, no tocante a este concello, a aplicación da lei fíxose a través dun decreto da alcaldía cinco días antes de que expirase o prazo fixado na propia lei. Froito desa reclasificación xa se presentaron alegacións ao orzamento no pasado mes de xuño. No pleno do día 14, o partido popular fixo xa o seu posicionamento moi claro relacionado coa produtividade a cal non se xestionou e seguimos co mesmo tema. Tampouco se xestionou ben a RPT e segue sen modificarse aínda que hai un acordo que unha vez aprobado o orzamento municipal se iniciarían os trámites para a modificación. Neste momento o señor alcalde dille ó señor Amor que para a súa información xa se iniciaron eses trámites. Continúa o señor Amor dicindo que se clasificou á policía local da maneira que entendeu o señor alcalde, houbo tres anos para facer esta reclasificación e se decidiu facela no último momento e o seu grupo xa naquel momento votaron en contra de desestimar as alegacións da policía municipal e este é o motivo de que hoxe se vaian a abster, primeiro porque o concello ten que defender os seus dereitos e en segundo lugar porque no seu momento xa votamos en contra da desestimación das alegacións da policía local.

Intervén o señor alcalde don **Carlos A. Fernández Castro** para dicir que quere facer unha serie de puntualizacións á intervención do voceiro do grupo municipal popular. En primeiro lugar, que a alcaldía aplicou a lei no último momento pero en calquera caso a alcaldía aplicou a lei dentro do prazo, existía un prazo de tres anos e por estratéxicas tácticas e de goberno a alcaldía decidiu que o momento oportuno era ó limite do prazo pero nunca superando este prazo. Di tamén que na súa intervención o señor Amor dixo que o alcalde fixo a reclasificación da maneira que entendeu e cando un xura ou promete calquera cargo público utiliza unha formula que está

explicitada e onde se fala de respecto á lexislación e de actuar ao seu leal saber e entender dentro do marco xurídico e que iso foi o que el fixo igual que se fixo en moitos outros concellos, xa que unha boa parte tiveron o mesmo criterio. É certo que outros concellos por criterios estratéxicos, tácticos e de circunstancias optaron por outra fórmula diferente pero no caso do concello de Ames foi despois de ter en conta a valoración dos postos na RPT, que me consta que está moi ben feita pola universidade de Santiago de Compostela, tal é así que fai unhas semanas se recibiu unha chamada do concello da Estrada pedíndonos que lle facilitáramos a nosa valoración porque os propios policía locais da Estrada lle comunicaban que querían ter unha valoración como a de Ames. A lei di que non ten por qué ter necesariamente repercusión económica, e nun contexto como o que estamos, e sobre todo como consecuencia da valoración da RPT, se entendía que no concello de Ames debíase de aplicar así. Hai varias sentenzas que avalan a decisión tomada e en todo caso unha vez que os membros da policía local, na súa lexítima defensa interpoñen un contencioso administrativo, o final xa se verá cal é a sentenza e xa veremos tamén no seu momento se é razoable recurrila, pero agora o que procede é personarse no contencioso e facer a mellor defensa posible dos intereses públicos municipais.

Intervén polo grupo municipal do BNG don **Xosé Manuel Fernández López** para dicir que quere facer unha pequena intervención aclarando a posición do seu grupo. Naquel pleno onde se trataron as alegacións ao orzamento, había un ditame único da Comisión no que se incluía o tema da policía local e mais o incremento do fondo de acción social que estaba acordado cos traballadores. O noso grupo municipal coincidía completamente no tema do fondo de acción social e no tema da policía local se veían aspectos que estaban xustificados e outros que eran dubidosos e por iso o BNG se abstivera. En todo caso lle parece correcto que o goberno municipal teña toda a posibilidade de defender os intereses municipais e van a facilitar que así sexa.

Rematadas as intervencións o pleno da corporación por maioría simple, cos votos a favor dos 9 membros do grupo municipal socialista e a abstención dos 7 membros do grupo municipal popular e a abstención dos 5 membros do grupo municipal do BNG, adopta os seguintes acordos:

Primeiro.- Persoarse como parte demandada ante o órgano xudicial competente, no Recurso Contencioso Administrativo, Procedemento Abreviado 562/2010.

Segundo.- Que a defensa dos intereses municipais no presente recurso corersponda aos profesionais que figuran no poder outorgado ante o notario XXXXX o día 31 de decembro de 2003, baixo o número 1939 do seu protocolo.

Terceiro.- Facultar ao Alcalde-Presidente para todo o relacionado coa tramitación e xestión do presente acordo.

C) PARA CONTROL DO GOBERNO:

Punto vintenove.- Mocións:

Intervén o voceiro do grupo municipal socialista don **Francisco Villaverde Marcos** para dicir que o seu grupo municipal quere presentar tres mocións de urxencia. Intervén o voceiro do grupo municipal do BNG don **Xosé Manuel Fernández López** para dicir que o seu grupo municipal quere presentar dúas mocións de urxencia e pregunta se normalmente non é o grupo minoritario o que empeza, ou é ao voo, non hai normas?

Intervén o señor alcalde don **Carlos A. Fernández Castro** para dicir que están incluídas na orde do día 2 mocións que serán as primeiras que se van a tratar; a moción do grupo municipal do BNG para esixir o mantemento do Noitebus e a moción do grupo municipal socialista para instar á Xunta de Galicia ao mantemento

do servizo de transporte nocturno Noitebús- De seguido pregunta cales son as tres mocións presentadas por urxencia polo grupo municipal socialista.

Intervén o voceiro do grupo municipal socialista don **Francisco Villaverde Marcos** para dicir que se presentan tres mocións de urxencia, a primeira moción de solicitude á Xunta de Galicia da mellora da seguridade viaria na estrada AC-544, a segunda en defensa da sanidade pública e a terceira de apoio da viabilidade da planta de tratamento de residuos sólidos urbanos de Lousame.

Intervén o voceiro do grupo municipal do BNG don **Xosé Manuel Fernández López** para dicir que eles queren presentar dúas mocións de urxencia, a primeira de apoio explícito á viabilidade económica e medioambiental de planta de tratamento de residuos da Mancomunidad Serra do Barbanza, situada en Servia, Concello de Lousame e a segunda, de apoio a viabilidade da planta de tratamento de residuos sólidos urbanos de Lousame e a Mancomunidad Serra do Barbanza, unha foi transmitida polo comité de empresa, que e a segunda, e a primeira era unha do grupo municipal do BNG que estaba presentada fai unhas semanas.

a. Moción do grupo municipal do BNG para esixir o mantemento do Noitebus.

Intervén polo grupo municipal do BNG dona **Olalla Alvite del Río** que lee o punto de proposta de acordo que contén a moción e que literalmente di: *“Instar a Xunta de Galiza a manter o funcionamento do servizo de transporte público nocturno a lugares de lecer (Noitebus), sen aplicar ningunha redución das rutas existentes e mellorando a súa dotación e funcionamento no conxunto do territorio galego.”*

Polo grupo municipal popular intervén don **Bernardo Moar Miguez** que di que o seu grupo municipal quere presentar un **voto particular** que é do tenor literal seguinte:

“É unha incorrección que o PP, a través da Xunta de Galicia, veña de anunciar a súa intención de suprimir o servizo coñecido como “noitebús”, tal como di BNG na súa proposta de moción. O goberno do PP da Xunta de Galicia ven de propoñer a necesidade de reformular o seu financiamento.

Aínda que posto en funcionamento na anterior lexislatura, a implantación do servizo foi posible grazas á aprobación do Decreto 80/2005 de 31 de marzo, polo que se regulan os servizos de transporte público a lugares de lecer, que cubría o baleiro normativo existente relativo a este tipo de autorizacións. Polo tanto, a orixe deste servizo está nun Goberno popular.

Ao seguir vixente o Decreto ao que nos referimos no apartado 2, as empresas de transporte poderán continuar co servizo, especialmente nas rutas cun elevado índice de usuarios e o prezo do billete podería ser custeado en colaboración de asociacións e empresas de hostalaría, así como polos propios usuarios, que son os que se benefician económica e /ou socialmente.

Proposta de resolución:

Instar á Xunta de Galicia a procurar fórmulas que fagan posible o mantemento do servizo de transporte do “Noitebús”, conforme á demanda real e ás posibilidades económicas derivadas do actual escenario económico”.

Intervén polo grupo municipal socialista dona **Patricia Conde Lois** que di que preséntase esta moción do grupo municipal do BNG e tense que votar tamen a proposta de moción do grupo municipal socialista en defensa do mantemento do Noitebús. Di que foi unha sorpresa que a Xunta de Galicia prantexe a supresión dun servizo como este. _Ten o recorte de prensa de cando o 17 de setembro de 2010 se anunciaba que a Xunta invertiría 900 millóns en medidas para os xóves e inmediatamente uns días despois xa se estaba desdecindo este titular cando se falaba que o servizo de Noitebús se poñía en dúbida e se falaba de que era a prestación dun servizo adicional. O feito de que o goberno da Xunta caracterice este servizo como adicional é unha cuestión de política autonómica, é unha cuestión de

prioridades que cada goberno establece tendo en conta a situación económica, social e demais, e como estamos afeitos a política do presidente da Xunta dende a súa entrada no goberno que vai na liña de recorte tras recorte en política sociais, de xuventude, etc, en axudas a administracións, particularmente as locais, ao final non sorprende que o goberno autonómico prantexe suprimir un servizo como este. Di tamén que o Noitebús é un servizo que funciona, que é difícil a implantación de políticas de cara á mocidade que teñan éxito e neste caso a implantación deste servizo que foi no goberno bipartito da Xunta, implantouse, funcionou e caracterizouse como un dos servizo que tiveron éxito fronte a moitos que se intentan poñer en marcha e que non conseguen ese éxito. En Ames co anterior goberno bipartito, púxose en marcha o servizo Noitebús que tivo boa acollida e fomos un dos primeiros concellos en poñer en marcha este servizo xunto con Teo e Brión sendo a posta en marcha destes servizos difícil debido á reacción das empresas privadas que dubidaban da viabilidade deste proxecto. En 2007 a finais de ano se rexistraron 700 xóvenes que subiran no Noitebús. Ames é un exemplo a seguir neste servizo, a día de hoxe temos 6 liñas, as propias empresas operadoras apostan por elas debido a súa elevada demanda, porque sae rentable é porque é un servizo bo para os mozos. Se ten trasladado nos medios de comunicación que favorecía ó consumo de alcohol e non é certo porque o servizo vai destinado a xóvenes que pretenden divertirse e non levar o seu vehículo particular, reducindo accidentes e mellorando o medio ambiente, potenciando o servizo público e non pode poñerse como escusa que é unha iniciativa que potencia ó uso do alcohol. No concello de Ames tivo tan boa acollida que non só o utilizan xóvenes entre 12 e 30 anos senón tamén é utilizado por parellas, amigos que visitan a capital e outros concellos. Está clarísimamente demostrado nas estatísticas que se reduciu a sinistralidade nas estradas, que hai moitos organismos como a Dirección Xeral de Tráfico, a Federación Galega de Municipios e Provincias, a plataforma de stop accidentes, a xefatura da garda civil, que se declaran a favor deste servizo e polo tanto están en contra da supresión por parte da Xunta de Galicia e polo tanto a postura do grupo socialista é manter este servizo.

Intervén polo grupo municipal do BNG dona **Olalla Alvite del Río** que quere dicir que respecto do voto particular que presenta o grupo municipal popular no que se afirma que a orixe deste servizo está nun goberno popular facendo referencia a un decreto que efectivamente foi aprobado no ano 2005 polo señor Feijoo sendo daquela concelleiro dun goberno de Fraga, di que é certo que este decreto recollía a posibilidade de servizos de transporte nocturno, pero que nunca se puxo en marcha e non se puxo un so euro e non se puxo a funcionar ata o ano 2007. No 2007 a transferencia corrente para este servizo foi de 600 mil euros aos concellos e 200 mil aos transportistas, no 2008 de 800 mil aos concellos e de 2 millóns e medio aos transportistas, no 2009 1 millón aos concellos e 2 millóns e medio aos transportistas, neste ano nin un euro, e pregunta se non lle chama a isto supresión do servizo. As fórmulas das que falan no voto particular non as considera de recibo nin moi de fiar, fórmulas que por exemplo están a por en marcha coa colaboración público privada por exemplo no hospital de Vigo, que suporán un sobrecoste que ascenderán a catrocentos millóns ou fórmulas polas que adxudicaron a autovía Carballo- Berdollas , escollendo unha oferta que supera en trescento noventa e cinco millóns o que estaba negociado polo bipartito, Esas son as fórmulas do partido popular e polo tanto seguen mantendo a moción como está presentada na orde do día do pleno.

Intervén polo grupo municipal popular don **Bernardo Moar Miguez** que di que nestes momentos a Consellería de Medio Ambiente, Territorio e Infraestructuras da Xunta de Galicia está a facer a análise correspondente co obxectivo de tomar unha decisión sobre o mantemento do programa de Noitebús ou en calquera caso do número de liñas que van a deixar de subvencionar. A situación económica actual non permite que a Xunta de Galicia poida seguir financiando este servizo tal e coma está concebido que ademáis está sobredimensionado en case 200 rutas. Convén contar as rutas cunha media de viaxeiros case nula. As diferentes convocatorias destes últimos anos poñen de manifesto que existen numerosos servizos con escaso número de usuarios

e en consecuencia o mantemento supón un esforzo económico que ten rendibilidade social moi pequena ou nula. É necesario mellorar a eficacia do diñeiro que se emprega neste tipo de programas, tendo en conta ademais que non resulta lóxico nin comprensible que a Xunta estea a subvencionar servizos nocturnos para desprazar ós xóvenes a lugares de marcha en zonas como no rural no que pola mañá nin sequera existe transporte público para que os cidadáns poidan cubrir necesidades de mobilidade tan básicas como poder ir ó médico ou ó traballo. Debe terse moi presente que a Xunta non suprime, non elimina o servizo de Noitebús senón as subvencións dese servizo, que poderán seguir ofrecéndose por parte das empresas interesadas ven a través delas ou ben a través de servizos que poidan contratar asociacións de hostalería para dirixir a clientela cara ó seu negocio.

Intervén polo grupo municipal socialista don **Patricia Conde Lois** que di que evidentemente non se suprime o servizo, se suprime as subvencións porque é o mecanismo para que se poña en marcha e siga continuando o Noitebús. Dar escusas como que é un servizo nocturno que se está ofrecendo a xóvenes para o seu tempo de ocio e que existen rutas de transporte diurnas que non existen para ir a traballar, iso é competencia da Xunta, é dicir que non se pode ligar que non haxa un transporte diario con que exista un servizo nocturno, porque son cosas diferentes e habería que instar á Xunta para que incrementara as liñas de transporte. Aínda que o grupo municipal popular diga no seu voto particular que hai necesidade de reformular o financiamento, o que se está a facer é unha supresión do servizo e que como dicía a concelleira do BNG reformular o financiamento con reflexos no orzamento é deixar a continuidade en mans das empresas privadas que supoñería como en moitas cuestións que están a suceder no día de hoxe coa Xunta, un retroceso total e absoluto despois do esforzo que supuso poñer en marcha este servizo e traería como consecuencia en primeiro lugar o incremento do prezo en caso de que se continuase a prestar o servizo e logo incremento na sinistralidade, nas mortes, etc. O grupo municipal popular pon como escusa que hai unha oferta sobredimensionada e que hai escaso número de usuarios en determinadas liñas, ese é o traballo que ten que facer a Xunta, optimizar os recursos e ver que liñas funcionan e cales non funcionan e non eliminar algo que costou tanto esforzo crear e que funciona ben a día de hoxe. Evidentemente pódense buscar outras vías de financiamento, entendemos os recortes presupuestarios na situación económica actual, pero existen moitas outras saídas, para manter o Noitebús, reducindo gasto en publicidade, en asesores ou ben priorizando o Noitebús e dedicando catro millóns e medio de euros para un servizo do que se van a beneficiar mais de tres centos mil xóvenes ó ano e non gastar tres millóns de euros na visita do Papa a Galicia. É cuestión de prioridades, queda constatada a opinión de todos os organismos neste sentido e non pode aceptar o voto particular do grupo municipal popular. Como concello debemos de apostar porque no concello de Ames se manteñan cando menos as liñas existentes que teñen sobrado éxito e se non en moi breve espazo de tempo veranse as consecuencias.

Intervén polo grupo municipal do BNG dona **Olalla Alvite del Río** que di que o partido popular falaba de que hai que ver ben onde se gastan os cartos, o Noitebús no ano 2010 supuxo un custe de 4,6 millóns e no que vai de ano a Xunta leva gastado na consellería da que depende o Noitebús máis de 4 millóns e medio en publicidade. Podían preguntar os usuarios se consideran que é un servizo do que se podería prescindir e o Noitebús é para algo mais que para ir de marcha, é para trasladar á xente moza e non tan moza ó lecer, incluso o propio Feijoo utilizou o Noitebús para ir á festa do albariño ou para o entroido de Verín e que a demagogia que utiliza o grupo municipal popular sen importarlle a mocidade non é de recibo.

Intervén polo grupo municipal popular don **Bernardo Moar Míguez** que di que se nos poñemos a xulgar habería que comezar polos recortes feitos polo goberno do estado, recortes en benestar, pensións, indemnizacións por despido, rebaixas nos soldos dos funcionarios, redución dun 90% na vivenda protexida en Galicia, recortes nas licitacións de obras en Galicia, desaparición ao menos temporal de 243 millóns de euros do fondo de compensación, por non falar dos 1600 millóns que se lle reclama a

Galicia, todo isto despois da débeda histórica con Galicia, por iso non é de estrañar que na nosa Comunidade existan recortes. Existen liñas como estas subvencionadas enteiramente por locais de ocio nocturno como Chantecler, dona Dana en Touro, que xestionan directamente esas liñas de autobús para levar aos clientes ao seu local sen ningún custe para eles e por iso non parece disparatado que a Xunta de Galicia nunha situación de grave crise económica pretenda reformular o servizo e contar coa axuda dos mais beneficiados en manter o servizo que son os propios usuarios e os locais de ocio nocturno. Os servizos básicos para a cidadanía son educación, sanidade e benestar social e non creo que o Noitebús sexa nin un servizo básico nin esencial para a cidadanía, estamos en tempo de crise e vemos como merma a redución de ingresos e polo tanto téñense que primar a atención dos servizos básicos e priorizar as inversións, pero se prefiren se poden recortar en outras partidas, por exemplo, os millóns de euros destinados ó instituto do Milladoiro. En canto a privatizar servizos é algo que se demanda dende a confederación de empresarios dende fai moitos anos.

Intervén o señor alcalde don **Carlos A. Fernández Castro** que di que quedando suficientemente debatido o asunto, en primeiro lugar procede a votación respecto do voto particular presentado polo grupo municipal popular. Sometido a votación queda rexeitado cós votos a favor do grupo municipal popular e os votos en contra dos grupos municipais do PSOE e do BNG.

Rematadas as intervencións o pleno da corporación, por maioría absoluta do número legal de membros da corporación, cos votos a favor dos representantes do grupo municipal socialista e do BNG e a abstención dos representantes do grupo municipal popular, presta aprobación á moción do grupo municipal do BNG, do teor literal seguinte:

“Moción para esixir o mantemento do noitebus

O PP, a través da Xunta de Galiza, vén de anunciar a súa intención de suprimir o servizo coñecido como Noitebus. Esta iniciativa, posta en marcha na pasada lexislatura, forma parte das actuacións destinadas a mellorar a seguranza viaria e reducir a sinistralidade, cubrindo as necesidades de desprazamento nocturno da mocidade. A demanda que rexistrou desde a súa posta en funcionamento dan boa mostra de que é un servizo necesario do que non se pode prescindir.

É lamentábel, á par que unha irresponsabilidade, escoitar do Presidente do Goberno Galego que “este é un servizo que resulta innecesario nun momento de dificultades económicas”, cando persoas expertas nesta materia fixeron público o seu desacordo nestes mesmos días. A propia Dirección Xeral de Tráfico (DGT) afirma que “este servizo ten demostrado a súa eficacia, ademais de contribuíu a eliminar vítimas e a concienciar sobre a conducción segura”. Tamén a plataforma Stop Accidentes uniuse a estas manifestacións para cualificar a pretensión do goberno do PP de “desastre”, para engadir que “sempre é mais barato previr que lamentar”.

O BNG considera un auténtico desatino a intención do PP e o anuncio feito polo Presidente da Xunta. Os fondos destinados a previr os accidentes e dar servizos á xente nova non poden considerarse un dispendio. Por outra parte o custe do servizo é perfectamente asumíbel pola Xunta de Galiza. No ano 2010 a Xunta dedicou ao Noitebus pouco máis de 4,5 millóns de euros, unha cifra que representa o 0,5% do orzamento da Consellaría de Medio Ambiente, Territorio e Infraestruturas. Un investimento moi inferior ao gasto que o goberno do PP está a facer en propaganda e publicidade desde a Xunta de Galiza. O normal é que os recortes se realicen no ámbito da propaganda e non en servizos que cumpren unha función social evidente. A Xunta de Galiza debe rectificar esta decisión e manter o funcionamento dun servizo que ten demostrado a súa necesidade e utilidade.

Polo noso Concello pasan, na actualidade, cinco rutas de Noitebus: O enlace Ames-Teo-Santiago (con paradas en Firmistáns e O Milladoiro), a ruta Milladoiro-Negreira-Santa Comba (que recolle aos mozos de Milladoiro, Bugallido, Ortoño, Bertamiráns, Lombao e Augapesada), a que conecta Bastavales e Santa Comba (que para en

Bertamiráns), a liña Pedrouzos-Bertarmiráns-Santiago (con parada en Bertarmiráns), e a que une Negreira e Bertamiráns.

Polo exposto, o grupo municipal do BNG solicita do Pleno da Corporación municipal a adopción do seguinte acordo: Instar a Xunta de Galiza a manter o funcionamento do servizo de transporte público nocturno a lugares de lecer (Noitebus), sen aplicar ningunha redución das rutas existentes e mellorando a súa dotación e funcionamento no conxunto do territorio galego.”

b. Moción do grupo municipal socialista para instar á Xunta de Galicia ao mantemento do servizo de transporte nocturno Noitebus.

Intervén polo grupo municipal socialista dona **Patricia Conde Lois** para dicir que os motivos desta moción xa foron expostos no punto anterior, con motivo do tratamento da moción do grupo municipal do BNG. O seu grupo tamén fixo unha moción sobre este asunto que pasa a dar lectura.

Segue a súa intervención a concelleira do grupo municipal socialista dona **Patricia Conde Lois** para dicir que non caben posturas de victimismo ante a redución de ingresos e tampouco está dacordo coas propostas de conceder axudas para viaxar a diferentes locais privados, que non lle parece o mais oportuno dado que o Noitebús o que pretende é liberdade á hora de acceder aos locais de ocio, que hai formulas para dar resposta a continuidade deste servizo e o que se pretende co servizo de Noitebús e que os pais deses mozos que utilizan o servizo teñan a tranquilidade de que viaxan seguros sen ningún problema e que non terán ningún accidente no seu traxecto de ocio.

Intervén polo grupo municipal do BNG dona **Olalla Alvite del Río** para anunciar o voto afirmativo do seu grupo municipal.

Intervén polo grupo municipal popular don **Bernardo Moar Míguez** para dicir que para o seu grupo está suficientemente debatido o asunto.

Intervén o señor alcalde don **Carlos A. Fernández Castro** para dicir que como o grupo municipal presentou un voto particular para as dúas mocións do mesmo contido, primeiro se procederá a votar ese voto particular. Sometido a votación o voto particular queda rexeitado cos votos a favor dos 6 membros presentes do grupo municipal popular, a abstención técnica (por estar ausente do salón de sesións no momento da votación de don Alfonso Rey López) e os votos en contra do grupo municipal socialista e do grupo municipal do BNG.

Rematadas as intervencións o pleno da corporación, por maioría absoluta do número legal de membros da corporación, cos votos a favor dos representantes do grupo municipal socialista e do BNG e a abstención dos representantes do grupo municipal popular, presta aprobación á moción do grupo municipal socialista, do teor literal seguinte:

“EXPOSICIÓN DE MOTIVOS:

O Noitebús é unha das medidas incluídas no Plan Galego de Seguridade Viaria 2006/2010 posto en marcha polo anterior Goberno da Xunta de Galicia.

Dende a súa posta en marcha tivo unha gran aceptación por parte da mocidade galega, véndose incrementada cada ano a cifra de usuarios e usuarias. O éxito e a aceptación deste servizo fixo que o NoiteBús se consolidase como unha alternativa real e segura ao emprego do vehículo privado nos desprazamentos nocturnos a zonas

de ocio e, sobre todo, como unha medida clara de mellora da seguridade viaria das mozas e mozos galegos e que contribúe a reducir a sinistralidade.

O día 20 de setembro de 2010 o Presidente da Xunta de Galicia anunciou a redución de servizos “adicionais”, un novo tesoiretazo. Neste caso son os mozos e mozas galegos os que o van a sufrir, este novo recorte supón a supresión do servizo de transporte nocturno a lugares de lecer, Noitebús.

O Presidente da Xunta de Galicia sigue sen tomar decisións que supoñan un recorte de gastos realmente superfluos, pero, pola contra, segue coa súa folia de ruta consistente en atacar políticas de benestar social, xa sexan dirixidas á mocidade ou a outros sectores da poboación. Pero neste caso no só estamos a falar dun empeoramento, de recortes das políticas que repercuten no benestar social dos galegos e das galegas, estamos a falar de seguridade, de seguridade viaria. O Señor Núñez Feijóo pretende suprimir un servizo que ten evitado todas as fins de semana numerosas traxedias nas estradas galegas.

O Noitebús ten resultado moi positivo e ten reducido notablemente os sinistros de tráfico vinculados ao ocio nocturno da xente moza.

O pasado mes de xullo na páxina web da Xunta de Galicia facíanse públicos os datos do número de usuarios e usuarias do Noitebús entre o 1 e o 25 de xullo de 2010, que ascendían a 35.430 mozos e mozas. Dato do que o Goberno da Xunta de Galicia se gavaba.

Na mesma comunicación na que facían públicos estes datos falaban de que o éxito deste servizo viña avalado por un continuo incremento da demanda, consolidando o NoiteBús como unha alternativa cada vez máis clara ao vehículo privado. Así mesmo, afirmaban que o Goberno da Xunta de Galicia seguiría impulsando este servizo porque estaban convencidos de que contribuía a salvar vidas.

Neste sentido, o Concello de Ames, recoñecendo a necesidade do constituír unha medida esencial para a dotación dun medio de mobilidade para a mocidade na franxa nocturna, e alternativo ao vehículo particular, tiña xa establecido no ano 2006 un servizo similar ao NoiteBús, que a anterior Concellaría de Mocidade denominara “Mouchobús”. Xa dende o primeiro momento tivo un gran éxito de acollida. A partir de aí, e unha vez que a administración autonómica ofreceu, na pasada lexislatura, a posibilidade de que os concellos se acollesen a este programa de servizo de transporte nocturno a lugares de lecer, o Concello de Ames solicitou, a través da correspondente convocatoria de axudas, o financiamento dos gastos necesarios para poñelo en marcha.

As primeiras liñas que entraron en funcionamento foron as de Santiago-Bertarmirás-Pedrouzos (e viceversa) e a de Santiago-Milladoiro-A Pedreira (e viceversa). Ambas se puxeron en marcha coa colaboración dos concellos limítrofes, neste caso con Teo e Brión. A partir de aí, e dado o cada vez maior número de usuarios/as e a demanda de novas liñas de servizo, nas seguintes convocatorias de axudas solicitouse a incorporación de novas rutas. Así, actualmente, existen seis liñas en funcionamento que discorren por todo o termo municipal de Ames e que realizan desprazamentos, non só entre Ames e a cidade de cabeceira, Santiago, se non que se realizan tamén traslados a outros concellos cercanos, como por exemplo Santa Comba.

En Ames, este servizo se atopa a día de hoxe completamente consolidado entre os distintos colectivos da Mocidade, sendo un risco importantísimo pensar agora en eliminálo. Sobra aclarar a xove media de idade que ten o Concello de Ames e os 6071 mozos/as de entre 13 e 30 anos empadroados.

O 21 de setembro, ao día seguinte de facerse público o anuncio da previsión de eliminar o servizo de Noitebús, o alcalde do concello, nunhas declaracións realizadas como presidente da Fegamp, insistía en que esta decisión era moi negativa nun programa que é claramente social, que tivo unha moi boa acollida e que contribuíu a frear o goteo tan importante de accidentes na mocidade.

Á vista de todo o exposto, o Grupo Municipal do Socialista de Ames solicita do Pleno da Corporación Municipal a adopción do seguinte acordo:

-Insta a Xunta de Galicia a que asegure a financiación para o mantemento do servizo de transporte nocturno a lugares de lecer coñecido como Noitebús.

Intervén polo grupo municipal popular don **Bernardo Moar Miguez** para explicación de voto dicindo que nas dúas mocións o seu grupo se abstivo porque creen que é un servizo importante que non queren dende o seu grupo que se suprima, pero que si creen pode ser reformulado o seu financiamento.

c. Moción presentada de urxencia polo grupo municipal socialista con motivo da solicitude á Xunta de Galicia da mellora da seguridade viaria na estrada AC-544.

Intervén polo grupo municipal socialista a concelleira don **Carmen Fraga Crespo** a cal da lectura a moción presentada por urxencia polo seu grupo.

Intervén o señor alcalde don **Carlos A. Fernández Castro** para dicir que en primeiro lugar hai que votar a ratificación da urxencia da moción. Sometida a votación a urxencia é ratificada por unanimidade dos membros da corporación.

Intervén polo grupo municipal socialista dona **Carmen Fraga Crespo** para dicir que hai moito tempo que non se fai nada por esta estrada e necesitamos con urxencia que se tomen medidas.

Intervén polo grupo municipal do BNG don **Victor Vicente Díaz** que saúda a todos os presentes e di que non é novidade a situación desta estrada, que levan anos solicitando melloras en materia viaria ao longo de toda esta estrada porque ademais está a carón de centros educativos, motivo polo cal van a darlle o seu voto afirmativo.

Intervén polo grupo municipal popular don **Santiago Amor Barreiro** que dí que nesta quenda de intervención dende do seu grupo municipal, e entende que igual que os demais membros da corporación queren manifestar o seu pésame polo falecemento nesta estrada dun veciño que ademais foi membro da primeira corporación democrática de Ames, tamén di que van a apoiar esta moción pero o que non poden deixar pasar é dicir que os veciños de Trasmonte no ano 2006 presentaron un escrito á Consellería de Política Territorial e non lles fixeron caso, e non se pode votar as culpas ó partido popular porque gobernaba o bipartito.

Intervén polo grupo municipal socialista dona **Carmen Fraga Crespo** que di que desde que estes veciños presentaron escritos, no 2006 e no 2008 a Xunta de Galicia tivo tempo de facer cousas.

Ratificada a urxencia por unanimidade dos membros presentes, dando así cumprimento ó artigo 91.4 do Real Decreto 2568/1986 de 28 de novembro polo que se aproba Regulamento de organización, funcionamento e réxime xurídico das entidades locais, se somete a votación a moción presentada polo grupo municipal socialista a cal é aprobada polo pleno da corporación por unanimidade dos seus membros presentes.

O texto da moción aprobada é do teor literal seguinte:

“EXPOSICIÓN DE MOTIVOS

A noite do 24 de outubro, tivo lugar un atropelo na estrada AC-544, que une Bertamiráns con Negreira, ao seu paso polo lugar de Reino. Neste atropelo faleceu un veciño de Ames.

Esta estrada, de titularidade autonómica, ten sido obxecto de diversas reclamacións tramitadas por este concello, no sentido de pedir a mellora da súa seguridade viaria posto que, entre outras cuestións, para acceder de un lado a outro da estrada, na zona de Reino, os peóns deben atravesar tres carrís. Nunha das marxes, está situada unha marquesiña de transporte público, tendo que cruzar co consecuente perigo, dada as altas velocidades que alcanzan os vehículos nesta zona.

Concretamente, en febreiro de 2006, achegouse á antiga Consellería de Política Territorial, copia dun escrito que os representantes da Asociación de Veciños de Trasmonte nos fixeron chegar, no cal reclamaban “unha solución para os problemas que o exceso de velocidade dos vehículos provocaba nos lugares de Portanxil e Reino”. Solicitaban ademais que “as rotondas existentes no chamado Alto dos Barreiros e no lugar de Portanxil se fixesen completas, segundo o modelo da feita na entrada de Feiraco”. Así mesmo, os veciños de Reino insistían na “necesidade dun paso elevado que conecte a aldea coa marquesiña do autobús, ao outro lado da estrada”.

En xuño de 2008, a Asociación de Veciños presenta no Rexistro do Concello copia dos escritos por eles presentados ante a Dirección Xeral de Estradas (en data 24 de marzo e 8 de xuño de 2008) informando da “inseguridade dos veciños ante as altas velocidades que acadan os vehículos na estrada AC-544, no seu tramo Bertamiráns-Negreira, ao paso pola parroquia de Trasmonte” e “solicitando o apoio do Concello de Ames a tal actuación e a adopción das medidas de respaldo que se teñan por convenientes”.

Como solucións, os veciños plantexaban a posibilidade de habilitar unha zona de paso, ben como paso de peóns, ben como paso subterráneo ou pasarela elevada.

Pois ben, o concello xa ten dado traslado de todas estas solicitudes a administración titular da estrada e realizado, así mesmo, todas as xestións correspondentes para que a Consellería adoptase as medidas necesarias e se puidese mellorar a seguridade viaria nestes tramos, dado que o concello non pode intervir directamente nesta estrada, nin adoptar, pola súa conta, ningunha das medidas plantexadas pola Asociación de Veciños.

Á vista do exposto, o Grupo Municipal Socialista propón ao Pleno da Corporación para o seu acordo:

Instar á Consellería de Medio Ambiente, Territorio e Infraestruturas para que estude o tipo de solución idónea e adopte todas as medidas que sexan necesarias, para mellorar a seguridade viaria na estrada AC- 544 no seu tramo Bertamiráns-Negreira.

A proposta do alcalde, neste momento da orde do día, todos os membros da corporación gardan un **minuto de silencio pola morte dun veciño de Ames e membro da primeira corporación democrática do concello de Ames.**

d. Moción presentada de urxencia polo grupo municipal socialista en defensa da sanidade pública.

Intervén o concelleiro do grupo municipal socialista don **José Manuel Miñones Conde** para explicar que a urxencia desta moción. Di que son dúas as razóns, unha a publicación da falta de orzamento que vai a ter a construción do centro de saúde do Milladoiro nos novos presupostos para o próximo ano da Xunta de Galicia, que tamén deriva de declaracións recentes da conselleira de sanidade. En segundo lugar a manifestación convocada pola plataforma en defensa da sanidade que está convocada para o 21 de novembro en Santiago ás 12 do mediodía.

Intervén o señor alcalde don **Carlos A. Fernández Castro** para dicir que primeiro hai que proceder a votar sobre a ratificación da urxencia da moción. Sometida a votación

é rexeitada cos votos a favor do grupo municipal socialista e os votos en contra do grupo municipal popular e do grupo municipal do BNG.

Dende o grupo municipal do BNG don **Xosé Manuel Fernández López** pide a palabra para **explicación do voto** e di que o seu grupo en todos os plenos da corporación votou a favor de todas as urxencias das mocións para que polo menos se puideran discutir e hoxe acaban de romper o seu comportamento habitual porque consideran que dende o grupo municipal socialista se está facendo filibusterismo político, intentando que cheguen as 12 da noite para que non se trate a moción de Servia.

Intervén o señor alcalde don **Carlos A. Fernández Castro** contestando ó señor Fernández que lle sae o ramalazo bloqueiro e que todos os grupos políticos tiveron dereito sempre neste pleno a presentar as mocións que consideraron oportunas e pertinentes e se non eran clasificadas como mocións pasaban ó apartado de rogos . Que habendo como hai unha manifestación convocada en defensa da sanidade pública e tendo o partido socialista como norma presentar en todos os concellos este tipo de mocións, é un dereito democrático o facelo.

Intervén polo grupo municipal popular don **Ramón García Argibay** que tamén quere facer **explicación de voto** e di que tamén é a primeira vez que votan en contra da urxencia dunha moción, porque se ve que o que está a facer o alcalde é dilatar o tempo. De tódolos xeitos é unha moción importante e espera poda debater en pleno.

Intervén o señor alcalde don **Carlos A. Fernández Castro** para dicir que a manifestación en defensa da sanidade pública está convocada para o próximo día 21 de novembro e que o próximo pleno cadra despois do día 21 e non quere que pase o que lle pasou recentemente ó BNG que presentou unha moción en defensa da folga xeral que se debatía tres días despois da folga.

e. Moción presentada de urxencia polo grupo municipal socialista de apoio a viabilidade da planta de tratamento de residuos sólidos urbanos de Lousame.

Intervén o señor alcalde don **Carlos A. Fernández Castro** para dicir que a Mancomunidad Serra do Barbanza presentou neste concello unha proposta de moción o día 25, cando xa se tiñan celebradas as comisións informativas que foran o venres anterior e xa estaba convocado o pleno. Que tivo acceso a unha nota de prensa absolutamente aberrante e falsa do comité de empresa, asinada polo menos pola súa presidenta na que afirmaba que o alcalde de Ames retirara da orde do día a moción de Servia cando nunca formara parte da orde do día, entre outras cuestións porque chegou ó concello o día 25 cando xa o pleno estaba convocado. Di tamén que o grupo socialista tendo en conta a importancia do asunto decidiu presentar hoxe aquí por vía de urxencia unha moción de apoio á viabilidade da planta de tratatamento de residuos sólidos urbanos de Lousame.

Intervén polo grupo municipal socialista don **Gustavo Nieto Santiago** que saúda ós presentes e da lectura á moción que é do teor literal seguinte:

I) EXPOSICIÓN DE MOTIVOS

O día 25 de outubro, recíbese neste concello escrito da Mancomunidad de Concellos da Serra do Barbanza, no que nos dan traslado dun texto de moción redactado polo comité de empresa do complexo medioambiental da Mancomunidad en “apoio a viabilidade da planta de tratamento de residuos sólidos urbanos de

Lousame e da Mancomunidade de Concellos da Serra do Barbanza". No escrito, asinado pola presidenta do Comité de Empresa, prégase que se proceda á súa aprobación polo pleno dos concellos membros de pleno dereito ou adheridos á Mancomunidade.

Visto o texto concreto que se nos presenta como proposta de moción, e tendo en conta as peculiaridades e particularidades da relación existente entre o concello e a Mancomunidade de Concellos da Serra do Barbanza, o grupo municipal socialista do concello de Ames propón ao pleno da corporación a aprobación do seguinte texto, unha vez adaptado o presentado polo Comité de Empresa, ás nosas condicións e circunstancias específicas:

O Complexo Medioambiental de Lousame, xestionado pola Mancomunidade de Concellos da Serra do Barbanza, é unha instalación punteira en recuperación e reciclaxe. De feito, no Plan de Residuos que se está tramitando por parte do goberno de Galicia, se recoñecen as mellores ratios de reciclaxe neste complexo.

Aínda así, esta é unha alternativa na xestión de residuos non apoiada polo actual goberno de Galicia, que ten como referente ideolóxico a Sociedade Galega do Medio Ambiente (SOGAMA) creada polos gobernos do expresidente autonómico Manuel Fraga, e que se ten demostrado reiteradamente que non é unha opción que concorde coa xerarquía comunitaria na xestión de residuos, onde as últimas dúas opcións son a incineración e o vertedoiro.

De feito, o actual goberno de Galicia pretende, coa redacción do novo Plan de Residuos, perpetuar o modelo de incineración e vertedoiro que acuñou en Sogama e que amplía coa nova construción dunha incineradora e un vertedoiro no Sur de Galicia. Un Plan de Residuos que non ofrece solucións nin contempla a inclusión dos dous modelos alternativos existentes hoxe en Galicia (Nostián e Lousame), nin supón unha auténtica política de residuos, tal e como os socialistas de Galicia consideramos que debía facer.

Galicia debería contar cunha auténtica Sociedade Galega do Medio Ambiente na que convivan os distintos modelos de xestión de residuos, participada polos concellos e a Xunta de Galicia e con carácter público, que prime os criterios ambientais sobre os económicos.

Esta solución evitaría os problemas que hoxe teñen os sistemas alternativos de xestión de residuos con nulo apoio da Xunta de Galicia. Mentres Sogama se mantén cunha participación pública do 51%, diñeiro de todos os galegos e galegas, independentemente de si estes escolleron para a xestión dos residuos nos seus concellos, este modelo ou outro.

Do mesmo xeito acabaría coa gran "incoherencia" de Sogama, onde os cidadáns e concellos separan e pagan o lixo para que o traten, e na realidade máis da metade dos residuos que chegan á central son eliminados directamente en vertedoiro.

Polo exposto, e dada a grave situación pola que atravesamos na actualidade a planta de tratamento de lixo de Lousame e ante o probable peche desta, que derivaría na perda dunha auténtica alternativa na xestión de residuos moito máis respectuosa co medio ambiente, esta Alcaldía propón ao Pleno da Corporación o seguinte:

II) PROPOSTA DE ACORDO:

1.- Instar á Xunta de Galicia a negociar no novo convenio marco con Ecoembes, que ten que entrar en vigor a partires do 1 de xaneiro de 2011, as condicións de retirada e pago relativas á selección da totalidade dos envases recuperados no complexo ambiental de Lousame, e garantir a recollida e pagamento do 100% do envase lixeiro reciclado nesta planta.

2.- Solicitar á Consellería de Facenda, da Xunta de Galicia, que anticipe sen xuros á Mancomunidad de Concellos Serra de Barbanza a contía económica necesaria para o normal funcionamento da planta, que a propia Xunta de Galicia vai recadar das retencións que fai aos concellos do Fondo de Cooperación Local para este fin. Dado que este calendario de retencións foi aprobado e aceptado, a Xunta ten a garantía irrevocable do seu cobro.

3.- Instar á Xunta de Galicia a outorgar unha axuda de 500.000 euros para a ampliación do Complexo Ambiental de Lousame.

4.-Instar á Mancomunidad de Concellos da Serra de Barbanza a que axilice o máximo posible a resolución das diferenzas que existen co Concello de Ames en canto á liquidación correspondente á revisión extraordinaria dos servizos prestados, a fin de sometela a acordo plenario e formalizar o correspondente pago.

5.- O Concello de Ames incorporará nos seus orzamentos para o exercicio 2011, as partidas correspondentes para o cumprimento do contrato que ten subscrito para a recollida e tratamento dos residuos sólidos urbanos.

6.- Manifestar o firme compromiso deste concello co sistema de recollida, tratamento e xestión de residuos sólidos urbanos de Lousame e a Mancomunidad de Concellos da Serra do Barbanza, garantindo a participación deste concello no mesmo e non optar por un modelo diferente de xestión de residuos sólidos urbanos.

Intervén o señor alcalde **Carlos A. Fernández Castro** para dicir que como nos casos anteriores procede votar a urxencia da moción. Sometida a votación é ratificada por unanimidade dos membros da corporación.

Intervén polo grupo municipal socialista don **Gustavo Nieto Santiago** para reiterar que hai que instar á Xunta de Galicia a que apoie non só o que é Sogama, senón que en Galicia existen mais modelos para tratar os residuos sólidos urbanos e que non so hai que apostar por un tipo de tratamento e que os datos e os números da Mancomunidad Serra do Barbanza falan por si sos da calidade que teñen.

Intervén polo grupo municipal popular don **Santiago Amor Barreiro** que di que quere presentar unha **enmenda** a esa moción e na que non van a entrar na parte dispositiva senón que van a entrar na proposta de resolución.

Di que en primeiro lugar quere dicir algo respecto das mocións tanto do grupo socialista como do BNG, que cree que ambas as dúas mocións lles falta algo así, eles inclúen como primeiro punto da súa enmenda o apoio ó mantemento dos postos dos traballadores da planta. Cree que aquí o mais importante son os postos de traballo. Como segundo punto propoñen manifestar o firme compromiso de que este concello participe neste sistema de recollida e tratamento de residuos sólidos urbanos de Lousame da Mancomunidad Serra do Barbanza. Terceiro, propoñen o apoio a todas as iniciativas e plans da Mancomunidad Serra do Barbanza encamiñados a garantir o pago da débeda contraída coa empresa concesionaria do servizo nos prazos establecidos pola Mancomunidad. Xa hai unha proposta de acordo da Mancomunidad que foi transmitida á Xunta de Galicia para retraer eses fondos. Cuarto, adecuar os orzamentos deste concello para o ano 2011 para garantir o cumprimento do pagamento mensual do canón do lixo e que o orzamento do 2011 conte cunhas garantía específica. Quinto, pedir a intermediación non só da Xunta de Galicia como figuraba nesa moción senón tamén do Ministerio do Medio Ambiente

para mellorar na medida do posible o sistema de reciclaxe que efectúa Ecoembes en Galicia. Sexto, instar ó concello de Ames a que cumpra a lei de morosidade coas cotas ordinarias que se xiran e que se atopen fora do plan de pagos aprobados pola Mancomunidade.

Intervén o señor alcalde don **Carlos A. Fernández Castro** para dicir que toda vez que hai abundante literatura en parte coincidente dos tres grupos políticos, e queda tamén a moción que presenta o BNG, despois de tres horas e media de larguísimo pleno e sendo as 12 da noite, imos levantar a sesión e así facemos un amplo receso para que os tres grupos poidan negociar cas súas mocións e traer un texto único a este pleno, a poder ser consensuado.

O señor alcalde presidente dou por rematado o acto e levantou a sesión sendo ás vinte e tres horas e cincuenta e oito minutos do día de referencia , de todo o que eu como secretaria certifico.

Vº Prace

A secretaria

O alcalde